

道光肇慶府志

肇慶府志卷五

建置一

城池礮臺附

肇慶府

宋皇祐中儂智高反始築子城僅容解宇政和癸巳郡守鄭敦義乃築埭城周八百七十一丈高二丈厚一丈開四門東曰宋崇西曰鎮西南曰端溪北曰朝天明洪武元年江西行省郎中黃本初來掌府事請加修築改宋崇曰正東門鎮西曰景星門其後千戶郭純以城南隅濱江用石甃河畔高二丈與城址並捍水患景泰間西賊犯關天順間知府黃瑜濬池植柵周城之外柵外護以刺竹柵內環以敵樓工畢而寇適至莫能犯成化元年城上增置串樓八百一十間自是防守不患風雨三年冬建披雲樓於城上西北隅四年建南門

樓五年建東西二門樓及四隅角樓皆三層重簷登拱又欲拓北城至靜明寺會水災不果後叅將楊廣建北門樓十一年知府李璠以披雲樓近濠增築埽城七十餘丈厚一丈高並舊城改四門額東曰慶雲西曰景星南曰南薰北曰朝天正德六年知府程梟重修串樓歲久而敝嘉靖七年兵備僉事李香與知府鄭璋撤串樓修雉堞三十九年風雨連旬城東北隅傾陷兵備僉事皇甫渙知府徐鷓修築崇正二年城西門樓圯知府陸鏊修復十四年督府張鏡心知縣蕭琦發帑築高三尺五寸改築四門月城舊制止有垣牆無馬路至是改築之高厚與城並馬路廣濶亦如之吳志國朝順治八年總兵許爾顯知府張之璧增城上礮臺六座礮房二十七間窩舖一百四十八間水城礮臺二所東西各自河畔城垣

至水次東長十二丈西長十四丈五尺並高一丈二尺厚八尺撤麗城之屋相去四丈增葺棧堞康熙六年東北隅及坡雲樓圯知府楊萬春閔子奇相繼修復康熙十一年知府史樹駿修乾隆三年八年俱題准部覆動帑修葺十九年知府吳繩年修嘉慶十二年肇羅道竇國華知府慶德張純賢修四門樓道光三年總督阮元奏於南門外重建礮臺二所並

修垣塘櫻櫺知縣韓際飛董之

高要志

明楊子春重修石城記洪武元年夏四月征南大將軍榮祿大夫中書平章政事兼太子同知詹事院廖永忠征南副將軍中奉大夫浙江行省參知政事朱亮祖奉命南征攻取廣東西城邑之未下者由海道入南粵兵甲精銳令行禁止列城望風歛服沿海豪民違令者誅來歸者宥威振廣西皆遣使請命兵不留行百粵悉服乃遴選守令以撫安元元以前江西省郎中黃君本初忠厚廉敏達於從政委攝肇慶府黃君下車仰布令修政百廢具興加以惠愛曾未期月吏民爲之改觀君謂肇慶乃古端郡控扼海道藩屏上流地居衝要依律稟命於省請修城郭具器械嚴守備且言瀕海之寇不

時竊發當有以待之平章公深以爲然旣得請按行郡城廣
袤四里三十步有奇舊制設敵樓三十五所近皆頽廢城東
南角及西南崩圯者八十餘丈行者不便君念端民重困之
餘日不暇給乃勸率民之好義者第其產之厚薄力之多寡
戶滿三十者同一役或二十者共一工磚石木植灰瓦之用
皆官給之選吏督其事城之坳者築石爲基礩磚以甃其隙
鱗次櫛比端方周正度城五丈餘建樓四楹爲閤二百有一
十復因舊址重建敵樓三十五經制之費民無預焉經始於
今年之孟秋落成於秋之季月閱九旬而訖工樓櫓戰格煥
然一新睥睨女牆百堵斯立黃君可謂知先務矣雖然民保
於城城保於德古有是言矣是以忠信之長慈愛之師撫民
以仁摩民以義導之以禮樂養之以德惠齊之以刑政斯民
視其親長共長一旦事出非常率吾尊君親上之民以守之
此地利人和之說也端之人咸謂城守重事也不可以不書
請子文以刻諸石使觀風者有考焉公名德明字本初河中
人僑居德石是役也贊其事者經歷王智督工者前部事趙
元帥府判徐寶童知縣戴允恭主簿蔣毅真縣尉阮
良典史梁宗德與有勞焉洪武元年九月九日丙午

池南臨大江西南隅至東南隅三面濬濠周四百五十八丈

廣二丈八尺

云深一丈濶十丈俱誤

自西門外遠而北至

東門外謂之外濠長四百五十八丈深一丈濶十丈西門內

小水通竇過南門街至清軍館後

今清軍館

謂之上濠復通

竇過塘基頭街下注謂之下濠下濠又通竇出城接外濠而

達於江自西門石嘴引江水而入者謂之西濠乃官船避風

之所

此數濠自明天順間知府黃瑜修濬深闊各有尺寸歲久漸爲民居兩傍侵削西城上濠日漸淤塞其內外濠

塘佃銀遞年在府輸納

古澳在東門外通大江可以藏舟楫避風濤後

爲潮沙所壅宋乾道六年邵守曹總修復設澳田若干畝歲

收爲淘浚資今田廢而澳亦湮自東門水步頭起至天寧寺

前上接內濠水達江乃其故址亦謂之外濠先是城東外街

原在城脚明知府夏應台改出濠邊至北門止城西外街亦

在城脚知府夏應台改出濠邊至披雲樓後新基及北門止

城北外濠舊從西門外邊披雲樓後轉東明萬曆三十七年

知府陳濂以府治龍脉自西來命工築塞培脉分北河爲兩

截城北內濠原有監軍道左渠消水日久民作舖其上淤塞
三十八年知府江中楠拆舖修濬崇正二年知府張明熙復
濬之 國朝順治四年總鎮羅成耀重濬外濠自東門水步
頭起直循而北復折而西直抵西門水步通廣一丈五尺深
一丈周九百七十二丈八年總鎮許爾顯令離城一丈重挑
濠塹廣八尺深六尺東西及北三面遶城康熙七年督府周
有德重濬內濠由塘基頭張衙巷通寶出城接外濠而注於

江吳志

宋曹總修澳田記郡帶江流舟楫所道厲風時作白浪如山
論沒者相屬也城東古澳以避風濤其來尚矣歲久弗治壅
焉平陸前守秦君始命濬之未再期潮沙日積艤舟則膠君
拯人於未溺信仁矣然歲必役民以修吾器其難也固念
得田數十畝以給役事則民不告勞居無何郡人杜高以田
訟質於有司閱其辭弗決者累年予卽據律以折之高喜且
感義入其半以永修澳先是浮屠有市畝田以育妻子者因
籍之並以光孝寺僧典領歲度其人僦工以修自是舟涉吾

謂四會雜僻邑而懼患尤甚不可以無城乃具軍民耆舊之
狀於樞院都御史崑山葉公以聞委右方伯江浦張公總其
事而公則視往量程校役委府經歷吳浩備百戶陳貴協謀
以董理之天順甲申五月四日假工越四旬而土工畢成化
丁亥春而礮石之工亦畢城廣五百七十六丈高二丈二尺
厚一丈四尺六寸礮石於山砌脚高二尺陶甃於治甃白石
至梁堞該二百萬有奇采錢力木爲屋五百四十間敞樓一
十八座環益其城而濠遠於外深九尺濶三丈建四門有樓
而名其東曰陽和西曰德澤南曰清寧北曰鎮安雄偉堅厚
巍然爲邑之望軍恃之而守民賴之以安嗚呼其功豈下於
成周盛時諸賢哉惜未有能詩以頌其功也公具書幣來請
記余因歎夫連歲兩廣之被寇患所至殆無完郡豈爲軍失
其利而亦字民者非其能耳苟得治郡如黃公者而固守之
則寇雖爲患民且死守如安堵况自去冬以來今巡按都御
史姑蘇韓公總理軍務一掃故習而搗其巢穴寇已無孽將
使民與城相安無事而變呻吟爲詠歌安墊溺於耕鑿又察
郡縣吏之賢者而舉用之非黃公其人乎黃公不日受命而
去民惟觀其城則思其人思其人則頌其德於無窮矣是爲
記成化三年秋九月既望之吉

按方輿紀要四會縣城卽南綏州故城

池濶三丈深九尺歲久堙塞正德九年巡按丁楷濬之萬厯

三十二年知縣彭名世疏前濠復侵地議塞後濠工大土少

先築二基以接龍脉

吳志

新興縣

舊無城惟築土垣宋建炎四年州守王敦仁始用磚石修築
周一千二百七十八步卽古新州舊址久圯紹興二十一年
州守黃濟以城狹隘於城南一里東西北各半里徧植笏竹
環之名竹城周一千四百八十四丈開四門元至正庚寅西
寇入境焚掠知軍州事迭理迷失修葺以禦焉明洪武十三
年於竹城內增土城高八尺厚五尺周一千一百八十八丈名
四門東曰朝陽西曰德勝南曰長生北曰拱辰天順七年流
賊攻陷土城知府黃瑜請都御史葉盛奏於土垣內築復磚
城六百六十一丈五尺高一丈八尺厚一丈七尺設警舖五

十五四門外各環月城改東門曰陽和西曰接勝宏治十二年僉事徐禮開馬路廣一丈修敵樓串樓及月城嘉靖十年僉事王澄撤串樓修雉堞四十一年知縣周崑重建敵樓崇正十三年秋潦水決城七十丈知縣張復普修築 國朝順治二年建城墻子基四年知縣劉可模增建西南兩門甕城改長生門爲鎮南康熙初年知縣李雄飛李長慶重建四門城樓十三年夏大雨城坍八十餘丈知縣李超重修二十五年知縣徐煌復修三十年知縣徐斌塞南門建文明門於學宮前乾隆二年知縣裘建仍開鎮南門二十年夏四月大雨西門城樓傾圮知縣劉芳自捐廉修府志乾隆四十五年知縣洪煦修嘉慶十七年東河水漲四門崩坍知縣吳文照修縣志

志

宋胡寅新州竹城記新昌郡自兩漢及齊皆縣置號曰臨允
至蕭梁氏始升爲新州廢於隋而復於唐本朝因之既七百
年亦可謂古郡矣然有城而無郭無以考其故惟城之北曰
朝天門者誦塘翼之巋然猶存讀其記則政和中太守古公
革承詔所爲經始之績未就緒也城纔一里百有十二步耳
僅容州治列廩獄餘官廨民居悉在城外莫爲保障理不應
爾紹興二十年八月桂黃濟義鄉由肇慶別駕來攝郡符值鼠
盜數十輩依山爲害官兵三討而未克坊市數驚最後受諭
出降人猶洵海義卿於是與築之意會真拜郡乃俾推官
朱洵權令黃熙巡行四周求古道跡相今所宜標示其處分
委兵馬監押趙公傑巡檢董元縣尉周祺各督所部丁夫夷
凹凸神狹虛基址既堅取野竹聯植之環袤一千二百八十
四丈再月而畢不愆於素或曰關土爲城不易而石之道也恐其
未堅則有蒸而築之者矣虞其易圯則有甃而石之者矣今
也望固禦於檀欒蔽翳之間曾是以爲可乎唐大中中王式
爲安南都護始至無城池式乃立木柵塹其外而栽竹焉是
時詔蠻浸強莫能犯也孰謂竹不可恃哉凡物有同類而殊
材者斯竹也引梢如繩分枝如棘旣衆且多森如蒺藜其叢
則輻輳緻密望隔表裏及歲久而愈繁雞鶩豚不能道也
或者火之葉毀幹存乃益悍勁嗚呼異哉昔樊川子目于郊
園賦所見者有曰竹林外裏今十萬丈兵甲及縱今密陳而
環衛始以爲詞人之空言今施於實用乃如此物孰不然在
人處之且方言刺竹曰笏竹蓋嶺南謂刺竹云工庸告成竹
日盛長州之人歡喜晏然若有壁壘之恃咸曰後之來者與

公副志本之以德政重之以備豫申嚴戒令有培勿剪非特
甘棠一召伯之思也其爲斯民之惠所覃遠矣義卿勤於職
業厚於愛民興利拔弊甚衆新興戶知之若摧排丁口以均
徭賦役既殫于城樓觀雉堞又作南門及竹城則其最大者
也邵學正麥克等來道耆老之意恐久而無傳焉余爲之記
余憂患疹疾筆力衰老不能兼載衆美稱其最大者而書之

耳云

池東臨河西南北鑿濠

吳志

長六百餘丈

郝志

廣二丈五尺深一

丈明天順七年鑿

吳志

按吳志作長七百餘丈誤

陽春縣

唐武德四年始築春州城高一丈厚六尺周圍四百二十丈
宋皇祐二年知州薛利和修元季廢壞明洪武三十一年鎮
守千戶鍾良增築高三丈厚一丈周圍五百六十七丈上建
敵樓三十座闢四門東曰迎輝西曰靖江南曰鎮南北曰仰

筆斐府志

卷五

建置

城池

七

京天順間守備指揮李盛知縣李福海重修立城堞設弔橋
環植刺竹流賊不敢犯成化五年守備指揮祖瑄重修起蓋
樓舖八年按察使陶魯以勦捕至去雉堞爲串樓十七年知
縣邱祥修宏治八年署所百戶江淋補砌正德十年知縣黃
寬千戶童璋分修是年都指揮卜玉奉委督備地方增高四
門月城築欄馬牆內便巡邏外杜窺伺後因風雨圯壞嘉靖
三十四年知縣謝復生復改串樓爲雉堞萬曆九年知縣黃
憲清建角樓修四門易其名曰東和西靖南鎮北拱及修各
窩舖萬曆十五年八月颶風城樓窩舖盡壞知縣張文誥修
復年久廢壞崇正八年知縣王魁春修葺十五年知縣陳軾
增高城雉堞建馬路四門月城 國朝康熙九年知縣張含
瑾新建窩舖六座城樓重加修葺二十六年知縣康善述奉

部通行修飾四樓城堞六十一年在學宮前增闢一門名曰

文明門雍正八年知縣黃博厚重建窩舖八座馬路周圍數

百丈乾隆二十一年南城圯塌四丈餘二十二年西南城又

圯七十餘丈知縣姜山修復志乾隆四十六年知縣袁嘉德

修嘉慶十七年東西門樓傾圯知縣王鵬翥修縣志

宋薛利和春州建置記國家富有天下凡四百州分為四等

日節度日防禦日團練日刺史而春居一焉九域志粵地斗

牛分野自秦通五嶺置南洵邵春為屬部漢穆隸合浦晉分

置恩州唐為南陵郡領陽春羅水二縣版戶萬餘隋以其地

統於高涼五代多故劉氏竊據嶺表開寶初王師討平得州

四十餘以流南羅水人陽春以勸之博林入銅陵來屬數年

土人版民羅兵火十七八九合二州計戶僅登千數景德中

木道轉運使以州之古城水土惡弱遷於銅石俄又徙隸新

州越數歲復歸於舊從民便也西北陸抵京師六十有三驛

東西水決大海艘百餘里環山遠林深巖帶岫夷獠雜居其

地上下濕宜稻梁民力儲外常優逸自足其封域所蔽射木

山以為望濠陽之江以通舟楫巖泉有甘婪之奇石穴有金

膏之異其物產不過楠柚猿狙之類凡富商大賈無因而至

其地卑且煖成多疫四方之言瘴癘者以春為稱首故凡補

奎至千三

卷二

建置

城池

城池

羣屢斥志卷五

吏得罷必加優賞天子祀明堂歲河東薛利和來守是州新南樓以奏鼓角節動靜也修城門以謹關隘防奸宄也重廊屋以閣勅書爲條教也葺甲庫以實兵器謹戎律也修勸農亭敦政木也造招商院恤逆旅也起舊補廢踰月告成以山川方物之名古昔廢興之蹟築石以刊使後人守是州不須索板圖詢耆蓋而有考焉皇祐二年河東薛利和撰

按此記不能分隸各門城池爲建置之首爰錄於此

池宋皇祐二年鑿明洪武三十一年濬深廣各一丈周六百九十丈成化十七年宏治八年嘉靖三十四年崇正八年各於修城時加濬吳志

陽江縣

陽江縣卽高涼縣故城

吳志云卽古南恩州誤

城邑考宋紹興

吳志作紹聖誤

始築土城

吳志云知州丁璉築

元大德間移

於城外以爲障蔽

吳志

云種刺竹以爲障蔽

洪武二年改營

磚城

顧祖禹讀史方輿紀要吳志云洪武三年千戶張均德甃

以磚

土城高一丈五尺厚一丈周五里石城高二丈厚一丈

五尺周八百九十二丈上設周廬四十四堞口一千三百五
十三開四門東曰承宣西曰威肅南曰寧波北曰鎮安正德
八年分守叅政黃容設望樓四十八隆慶四年知縣王仲增
高城五尺萬曆十五年大風樓櫓周廬半毀同知方應時重
修歲久多傾 國朝康熙十一年知縣孫廷鐸修乾隆六年
闔邑以南門偏左離明湮塞改建城門立文明坊前接文塔
後枕巖山是科文武獲雋以爲闕門之應云吳志自孫令後歷
任知縣偶或修葺遇颶輒毀嘉慶十四年知縣李湮修葺完
固而樓櫓周廬仍缺云縣志道光四年知縣杜念曾修探訪冊
池深一丈濶三丈宋紹興五年築城所鑿也周九百七十丈
洪武三年重濬濶三丈五尺深一丈正德八年叅政黃容築
南北二堰蓄水保障嘉靖二十五年堰決知縣吳煥章重修

以石爲礎萬曆七年同知蔡懋昭增濬修築二堰今歲久漸

淤焉

吳志

雙魚所城水師陽江鎮標右營千總駐劄所縣在治西南一

百五十里明洪武二十七年都指揮花茂建周四百八丈

厚一丈高一丈八尺門樓四國朝康熙十年重修吳志乾隆

四年題准部覆動項修葺

司冊

太平驛城陽江鎮標右營把總駐防所營在縣西一百一十

里明嘉靖四十五年築城周三百零六丈東西門各一窩舖

九

阮通志

國朝乾隆四年題准部覆動項修葺司冊按司冊雍

正四年總督郝玉麟疏稱陽江縣太平驛陽春縣安樂驛惟

管發配徒犯并非往來應付夫馬船隻之員應請裁汰但太

平係衝要之地請添設巡檢專司捕務查緝姦匪其衙署卽

在太平驛駐劄毋庸添設

阮通志

北津城陽江鎮標左營千總駐防冊營在縣南三十里高一

丈五尺厚四尺有奇周二百八十八丈門三樓四康熙十年修

尋廢十八年重修添設後山礮臺子城吳志嘉慶十五年改設

陽江鎮新定營制兵額駐千總一員步守兵三十九名防守

冊營

明凌雲翼設北津水寨軍將疏沿海六水寨柘林一寨與關

為隣近設漳潮副總兵分割管轄其惠州之碣石寨霞州之

白沙寨雷州之白鶴門寨三府各有陸路寨將帥以水寨就

近分屬兼理因不稱便南頭寨為省城門戶聽廣州海防參

將專一督理惟陽電一帶倭奔海寇出沒之衝先年屬白鶴

門寨汛地兵寡地濶管領不周近雙魚神電連陷離經前督

臣以撫民設寨把守乃一時權宜之計未為萬全乞將西路

巡海參將改為海防於此增設亦如南頭兵船則大小六十

胡所界起西至吳川遂溪界止

官兵則二千三百奇二歲支餉銀二萬三千一百七十四兩

四錢烏兔寨僻在海角雖近珠池雷廉參將委官領兵船十

移駐海康自無他慮裁革烏兔得官兵一千五十四西路巡

登夏守志

卷五

建置

城池

十

海船又得三十二號為陽電察將之用不足撥補其潮州高

肇陸路參將如舊葉春及北津城記畧肇慶為郡北辰萬

山南傳于海而陽江縣則當大海之濱北津其要害也東接

閩西過高雷瓊廉通安南越裳海上諸夷國估客夷寇猶門

庭上往來而粵綠海舊有六寨潮有柘林惠有碣石廣有南

頭雷有白鴿門寨廉有烏兔現有白沙上下聯絡豈不知引

繩哉第所則海湖雙魚相去二百里若則南頭白鴿門相去

一千二百四十里而北津居其中入縣僅三十里近矣故調

東莞戈船發神電陽江雙魚海葫尺籍成陝船澳為北津外

藩嘉靖三十五年撤戍自此盜賊如履堂皇一陷海萌再陷

雙魚三寇陽江入其郭北津海陵民無噍類當是時海寇鄭

大漢林道乾朱良寶最整萬厯元年許恩殺鄭大漢以降居

之北津保界四年督府凌公奏言羅旁賴朝廷神靈業既州

縣其地北津未若海上之民未得安枕陽電緣海雖隸白鴿

門部未免魯縞之弩將士林立而倚降寇以為安不亦輕朝

廷而蓋封疆之臣乎請以北津為寨以雷廉參將兼水營事

烏免雖近珠池遣一校守海康可無慮請罷之以兵補北津

之閩制日可其年戈船七十又四戊卒二千二百七十分三

軍許恩領中軍保界如故六年許謝其黨置田宅居縣城西

偏為編氓其黨亦散處焉馬都則遣把總代領其軍八年督

府劉公請革參將置欽總白是乃有鐵總然居縣城北北津

無若如故初許恩既居北津則以蜃合沙土築城自守池其

外雖金湯不過也恩去賊羊牧其上日北津十四年春珠池之

役海上戒嚴都丞方公職防海視師北津太守鄭公觀回謂

方公陽江以海爲池而北津鐵城其口可置塔有詔軍克踏
伏警城以治所不備爲解守在四境則謂之何君亟圖之
方公曰請於兵憲王公屬秋暮王公行縣至北津觀許思
域曰朝廷待恩不死故恩爲朝廷城今避居避我奈何弃之
且恩自替免窟不萬全豈但已哉因之便於是方公圖上方
器因恩之善亦層而築之周二百二十丈高一丈五尺基廣
半似上有雉堞其高如棊之廣門三中爲按察分司左爲欽
依總司又在以居分總右則備倭之署皆西向負山巒江所
連也兵民相錯以居南門外開講武塲容萬人中有亭也東
濱海有陵登而望之不知幾千萬里亭其上曰望海是役也
方公身之鄭公啟之王公主之成則吳公經始于是年春三
月成于秋八月徵總王重禧分總朱相百戶王宗成陽江知
縣宋夏木典史

王翁皆有勞者

連塘驛城在縣東北六十里明洪武間建驛嘉靖間築城周
三百零六丈高一丈二尺吳志現設把總一員兵三十名防守

志驛

海萌所城廢雙恩塲鹽課大使向駐海萌所城乾隆二十一

年改爲委缺阮道志

建置府志卷五

建置 城池

十一

樂安驛城廢陽江鎮右營把總分防汛

縣志

石覺礮臺康熙三年建

北津礮臺明萬曆十四年建 國朝康熙十年重修十六年

爲猥賊所毀十八年巡道韓作棟詳請修復但過高能禦遠

不能防近嘉慶十四年知府張純賢捐建月臺於下

阮通志

北額舊礮臺康熙十年建亦過高嘉慶十年知府恩保奉委

行勘捐築月臺移配大礮六位

北額新礮臺嘉慶六年知縣朱麟徵捐建在舊臺之南并峙

港東水際

俱同上

銃臺在大王廟小尖津口山前共三座每座各設銃十枚環

築小城一座周遭一百六十餘丈高二丈三尺城門二公署

一營房二十間尙有民房空地可屯千餘人海萌寨把總督

兵任牧崇正二年兩廣總督王尊德巡按御史吳尙默肇慶府推官陶爽齡陽江知縣李右讜各捐俸創建 國朝康熙

十年知府史樹駿知縣孫廷鐸捐俸修築

吳志

又銃臺在石門南尾山上共三座每座置銃十枚內一座無營房其兩座各造營房三間爲守又於舊寨地築城一座周遭一百丈高一丈三尺崇正二年總督王尊德等創建按兩寨爲嶺西門戶設銃臺以備不虞築城垣爲海防之要地爲保障計者思創始之艱而弗聽其蕪塌豈特一縣之利乎

同上

大澳碇樓嘉慶十六年奉撥入陽江鎮標左營管轄

陽江册營志

舊有賊船澳豐頭頓鉢海苗雙魚五處礮臺今皆廢

高明縣

舊爲高明巡司無城明成化十一年設縣城乃經始十六年

按新建高明縣治記經始知府李璵壘石甃磚周六百六十

丈高二丈四尺厚一丈五尺建窩舖十八開門三東曰寅賓

南曰阜財北曰迎恩外種刺竹正德初年知府黃容增串樓

五百餘間日久盡壞嘉靖元年改作雉堞先是正德末東城

潦決七十餘丈嘉靖七年知縣陳坡築復二十五年颶風淫

雨三門城樓盡壞知縣石銘繕修增高三尺三十五年復爲

颶風吹壞知縣徐純重修於舊垣馬路之上再築高五尺橫

廣一仞甃以磚石隆慶六年知縣羅學植重修萬曆十年知

縣張佐治開西門名曰萬悅吳志崇正二年知縣鄒應期重建

東門子城三年北樓傾卸知縣蕭時勉修復五月潦漲人城

子城決易以磚砌十三年知縣崔琳改雉堞火形爲土形增

高二尺 國朝順治十一年東門子城全毀於兵康熙三年

十六年重修南城夷城二樓二十五年知縣于學新修四門

城樓乾隆三十六年知縣霍儀秦捐修城垣五十九年大水

知縣胡英捐修嘉慶元年知縣瞿雲魁捐修城樓

縣志

明江朝宗新建高明縣治記畧高明縣隸廣東肇慶府距府治百里許東濱南海西接新興南鄰新會其地舊屬高要縣天順初西寇流劫村落成化乙未耆民麥秀秀等言於郡守黃公議割上倉二十四都三十八圍增設縣治以防患衛民巡撫吳公琛奏請得可黃公乃視青玉岡之地定縣治於茲築土爲城工未就遷去戊戌總督朱英請設官而南寧唐簡來知縣事以土城非經久之計乃築以磚石七百餘丈開三門以通往來外周以濠塹遠護縣治經始戊戌之夏落成辛丑之冬義官陽宏具事之本末來請

余爲記

何維栢有記見下學宮

池成化十六年知府李璫鑿宏治十一年知縣涂縉濬深一

丈廣三丈惟南門臨河七十餘丈無池皆商民厪居東西隅

五十餘丈嘉靖初年豪民托佃稅爲名包填堙塞知縣徐純

清查復濬國朝康熙十四年冬知縣班羽俊更加深廣焉

其池南臨河東北西濠

廣東輿圖

恩平縣

明成化二年僉事陶魯立恩平堡築磚城

按方輿紀要恩平城城邑考今恩平

縣本恩平堡成化築磚城置恩平巡司尋升爲縣卽故址增築

周三百二十五丈高一丈八

尺門東曰陽和西曰鎮彝

後改爲鎮平

南曰通永北曰承恩上置

敵樓窩舖十六年開縣治加高至二丈二尺正德七年知縣

鄒級重修加高至二丈五尺嘉靖初督撫檄修城垣馬道二

十九年四十二年隆慶五年增修

縣志崇正八年秋盜警知縣

宋應昇修補頽卸砌築馬路四門重加外柵又於城外建更

樓二座柵欄十餘處

吳志

十二年知縣黃扉以舊城殘破請建

新城於黃河壩周四百丈高一丈八尺四城樓各高二丈三

尺開三門東曰拱日西曰成慶南曰陽明北爲文昌樓值亂

未遷 國朝順治十一年舊城爲王興賊黨所毀官吏寄居

凹頭寨

按姚舜牧有馬鞍凹等處寨議茲不詳錄

始議葺新城以居不果

按新城今址

康熙十五年知縣程學灝始回舊城漸加修葺二十四年知

縣佟世男增築城墻馬路堞堞易敵樓之茅茨者以瓦復開

西北二門以便民

既通志

嘉慶十年知縣屈澤霖修城垣馬道

十九年知縣金錫鬯修城垣馬道及四門

縣志

國朝錄白旗沈志禮重修恩平縣治記畧恩平縣古南州境地自明洪武初廢州至成化間土賊竊發副使毛公吉被禍

于雲岫山嗣僉事陶公魯始立恩平堡築城後於成化十五年

年就堡城而立縣當時經制具備乃歷經土賊蘇萬里梁明

蔡猛三數十輩倡亂相仍隨至明末百餘年無寧日崇正癸

未知縣鍾彥綱招撫賊吳亞大岑舜覺等甲申知縣陳兆棠

招查賊王與於是賊勢甚盛官不能制劫庫倉戮官吏擄婦女衙署蕩然而知縣避居蓮塘村爲計之失馴至斯也我

朝勘定百粵至順治十五年而王興賊滅然恩民無孑遺康熙二十二年三韓佟子來令是邑治三載政有聲捐資興建漸復成化之舊迹今戊辰夏五

縣治落成而請記於余云云

建置

城池

池成化二年陶魯鑿正德七年濬廣二丈深一丈志今無

池廣東

廣寧縣

本四會縣地明嘉靖三十六年提督都御史談愷王鈞既平

扶洛大羅山賊三十八年詔立廣寧縣創建磚城縣志初奏縣

治設於潭圃僉事經彥案知縣章弁採士民議改建於大圃

周三百三十九丈高一丈六尺東方又高三尺雉堞四百八

十四爲門三東曰長會西曰艮成南曰來會其上皆有樓建

敵樓一於北無門東加望樓一窩舖十有一萬歷七年巡按

御史龔懋賢命推官羅應台議增南門月城擴東城四十丈

天啟七年知縣黃夢瑞增築城西垣牆三十餘丈高三尺

國朝康熙三十三年知縣審堯采修築南門城樓曰樂山樓

嘉慶十四五年署縣錢兆元暨紳士楊元美等各捐修葺池

開平縣

萬厯元年嶺西兵偷道李材討平倉步村土寇卽於其地爲開平屯因建城焉立縣仍其舊城周三百五十丈高八尺厚二尺門二曰東門曰南門 國朝順治七年城守張瑞漢建門樓併敵樓五座康熙四年知縣高子翼周城增高三尺始築雉堞三百有二窩舖六名二門東曰紫來南曰開平十一年知縣薛壁修敵樓開邑城垣低狹河水直注雍正十三年署縣陳冠世倡率捐修擴城三百二十八丈四尺磚砌添建西門並城樓一座疏改南門河道遶城西注

志

池

鶴山縣

雍正十年析新會縣古勞遵名新化都及開平縣雙橋新興古博等都置鶴山縣隸肇慶府縣城周六百丈高一丈六尺厚一丈雉堞一千門三南曰恩波東曰近悅西曰遠來各有樓高一丈月城安置礮位建於雍正十一年十一月甲辰以十二年四月丙寅訖工伐石壘址碑癸縣志雍正九年總督郝玉麟奏稱廣州府屬之新會縣肇慶府屬之開平縣兩縣界連之大官田地方於兩縣之城遠隔小民依籍無憑難以聚居應請設立縣治添設知縣典史訓導等員詞道光六年知縣吳毓鈞捐貲修城縣志

池以河爲池

吳志

德慶州

德慶古無城

按方輿紀要德慶州卽端溪廢縣

宋皇祐六年儂智高亂始

築子城元至正間重修峻之

按卽今州治四圍墻垣

明洪武元年守禦

千戶邵成以舊城狹隘具聞於朝改立城址甃以磚石高三

丈厚一丈五尺周一千一百丈外環以濠深一丈濶三丈周

一千一百五十丈城上置串樓七百二十敵樓三十九城門

五東二門曰東勝曰忠順南二門曰廣惠曰鎮南北一門曰

香山俱設門樓後又撤去串樓景泰七年重修周城增高三

尺成化七年十五年各重修嘉靖五年築香山門月城後多

傾圮隆慶五年知州楊士中修濠引香山之泉注濠增周城

雉堞六年勅東勝門月城萬曆元年勅正南門月城以忠順

門僻在東北奸宄難防且門屬良位堪輿謂之鬼門遂閉塞

不開二十年知州陳榮祖復開之果不利二十七年仍閉之

崇正六年知州商朝仕重修周增城垣三尺於忠順門樓右

建文昌閣以爲控扼後并祀商公神像 國朝康熙五年東

北城陷知州秦世科修復又修北門樓一座十二年四十年

五十六年屢有修葺雍正九年知州王玉璫勸各紳士捐修

東北角城垣一百一十餘丈乾隆十二年知州施德宏請帑

修葺北門城樓及周圍城垣馬路窩舖十六年西城坍塌十

七年知州宋錦修復并修各門城垣樓座

州志

明陸舜臣征剿立縣議兩廣之官莫甚於本州本州原設六

十四里轄爲四鄉金林悅城晉康都城甲也金悅在大江之

北都晉在大江之南自瀧水小江上抵羅傍爲西山都城枕

之下抵湯柳爲東山普康枕之天順以來獠賊猖亂度劉百

姓占據田土稅糧荒至六千石里分滅去二十里然猶存四

十餘命及殺指揮李松州判陳瑒典史金鍾監生梁元錡等

稅糧益荒里分益減名存而實亡也向者殺人猶二於江南

未及江北也江北之熱猶可以駛江南之荒也嘉靖三十年

以來糾合浪賊白日駕艇過水入寇金悅二鄉二百餘村不

明攻劫奪擄耕牛燬燒房屋有盡戶屠戮者在盡時珍滅者
老者弱者一時鋒刃不逃少者壯者鄉縛過水捐銀贖命婦
及恣其淫於村場空處屍骸塗地雖天地爲之悽慘在江道
則駕檣楫扁舟如飛劫掠往來客商殺死者不可勝計通
者雖以志司庫船備圍於龍水河下教官妻小捉擄入山破
辱且南鄉七因荒糧累及通州茂賊宗司等銀不止一千年
甚一年間有鴛妻典子而不能完官者目前之變更不可言
是或王法之所不宥天討之所必誅者也爲今之計莫若大
征嘗度西山之遙不過三千東山之遙不過二萬經搖之穴
上下不過二百里苟興問罪之師調十萬之衆必可以收蕩
平之績然山勢相倚東擊則西奔西擊則東遁必兼舉並進
西山宜用兵六萬車山宜用兵四萬因以二月逐日扒山則
州火既斷樵糧既絕餓死者衆矣雖有存者能幾何二月之
後方撤去大兵西山留兵五千東山留兵三千緒其山木以
爲澗水取魚之計則噍類日盡而漁人之全功可收矣然後
設署分司徙民充實而各按以田如此而後土田可盡復國
後可盡還而太平之有象也然或財力之未裕一時並舉之
爲難則當離朝先其所急後其所緩夫東山在今日較之西
山固爲急而加以浪賊相倚據古富祿等處流毒益甚尤爲
急也既不征又不離朝則已死者固不足計而未死者復
不可枚乎但覘離朝亦爲大難耳離朝用師不過二萬軍餉
亦非浩費誠調日兵一萬並見在江道哨船各營埠打手三
千調揚柳都城瀧水各民兵民獍三千將東山浪賊集剿
之大兵既擊則浪雖未必盡死而醜類亦未必不除也土

地雖未必盡還而富祿亦未必不復也卽以富祿備保之地
版設縣治割附近里分以益之仍留兵五千分割各處一而
經營締造一面招復流民設以守禦千戶所則縣治既成金
城湯池足爲一方保障而雋水可免猛浪之患矣東接沂興
之刊由是而西界蓮水而龍水可免猛浪之患矣東接沂興
而新興可免猛浪之患矣北際大江而大江亦可肅清矣建
縣之利有如此不然則不惟無南鄉之民而在金悅者亦淪
胥以亡不惟金悅淪胥以亡而凡地方之接壤者亦不得枕
藉之安矣昔者州民趙汝達朱萬秀曾赴京奏請已蒙勅下
委官經度縣場卽此富祿備林里也議制高要新興龍水里
分當時已盡圖貼說回報各衙門矣今案見在獨不可舉而
行之以救民之急乎或者曰南山糾分道險阻征之若是
其難也殊不知古人不以地險而廢兵特未控制其阨塞耳
或曰錢糧浩費取之或有不足本州計募兵不下三千歲計
工食銀之費不下二萬合數年募兵之用可以備一次大征
之供合一二年募兵之用可以備一次大征之供而軍餉實
不待外求也夫大征固爲百年無事之計而雕勦亦爲拯救
生民之方大征固所當行雕勦亦不得已也舉而行之一州
幸甚萬代幸甚 衍守敬德慶新築城垣記畧晉康古百粵
之地依山南海西接桂林象郡東控夷島諸蕃自宋儂寇犯
境倉卒築城僅百餘丈環倉庫而已前元因之莫能改也
洪武初命武德將軍正千戶邵成統兵來鎮之俟抵郡慮城
偏隘不足以容兵度山川形勝會本府官屬議上閩嶽而
大之川圍一千餘丈軍民協力逾年而城完雉堞樓櫓延袤

壯麗雄蓋一方
萬年之福也

池宋皇祐六年浚明洪武元年加濬深一丈濶三尺周一千一百五十丈嘉靖後南北濠俱淤塞賊伐濠畔竹梯城剗庫隆慶五年知州楊士中濬深之引香山泉環注焉

吳志

封川縣

舊城周圍一百七十丈塹山爲之經始無考明正統十四年黃蕭養亂典史陳順因舊址修築立墉堞置甬樓天順二年守備指揮王英展拓外城環排柵植刺竹以磚甃北城三十一丈周二百六十二丈城門樓角樓敵樓更舖爲間三十有七爲門三東北曰遵化南曰長清西曰鎮寧成化五年都御史韓雍發帑銀一千七百兩命知府黃瑜同知馬襄知事唐紹知縣萬顯守備指揮馮斌王清仍舊基培築厚二丈二尺

高二丈九尺表裏甃以磚覆以串屋窩舖戰窓共二百四十

二間望樓一曰鎮北

今廢

樓二曰鞏南今改城外繚以柵隘

更樓二間四隅通道設方門二十年知縣丁華闢小東門在

正東而移遵化名之改舊遵化門爲大東門宏治十四年知縣

李煦改鎮寧門爲長寧門改大東門爲文興門嘉靖二十五

年西城圯知縣吳蕙修復知縣陳起耕甃遵化門文興門及

敵樓正德間知縣潘海改長清門爲永清萬曆十九年知縣

黃懋中改遵化門爲入聖四十六年兩潦城圯三餘丈並壞

窩舖四十餘間知縣方尙祖砌復吳志封川內城不及一里外

城二里餘

城邑考

明邱濬封川縣修城記古今言邊備者故重南北然守南實與北異北患在境外所宜擇良將高城深池以限其馳突南越之患在境內民夷雜處不可專於城守守之以城城之外獨非吾民乎故得堅城不如得美政得良將不如得良守長

我高皇帝分南越爲兩道廣東十府列城五十餘所皆控海
道以備倭夷其侏獠者僅十之一耳平慶當兩廣之衝而
封川居鄂之上流方永樂宣德之盛邊夷不作居民安堵固
無俟乎城守也近年西境之夷竊發延蔓西東相扇不靖封
川扼其往來必繇之路縣故有土城承平久而邊備弛日以
傾圮厥後賊勢日衆境土日蹙賊垣於戰攻而長於剽竊於
是守土之吏始議築城開濠以爲守備計然惟隨時填補苟
且一時雨潦時至不旋踵而崩潰隨之民數勞而無功同知
牟慶府事五羊馬侯襄循行至封門城守之不堅而民勞之
無已時也慨然圖所以爲經久之計者會總督都憲韓公雍
督師道茲統命侯革其役而相以指揮馬斌知縣萬顯且檄
有司出官帑白金一千七百餘兩給之俾先用以具礮石堦
東比二隅其西若南之費則以次再給知縣慶府事雲門黃
侯諭議謂無用再費官帑卽茲金足以畢事矣遂分用以備
守備官軍及丁壯夫匠爲之增高益厚數倍於初興工於成
化己丑正月而成之以又明年辛卯十月城方二千四百五
十丈高二十有九尺垣厚二十有二尺而巔殺其址十有四
上建樓曰遠北前之門聲南敵樓窺寇咸具共二百四十有
二間城之外綜以木柵東北有滾官濬而今浚之爲尺各石
其西距大塘南則大江凡兵甲之用守禦之具無不有焉者
老呂信良等具事狀來請記夫當凋敝之後財匱民變而興
此鏡役可謂難矣然天下事其成也不以其易而違違以其
難若承平無事之日民自餘力財有餘積官吏有餘暇先事
而豫防宜若易然者然而吏循故常民覲微徼非徒不能規

始乃至喪其有而墜其成者亦或有之惟夫殘破之餘罹害
酷而交患深吏知其必不可稍緩民知其切於爲己也上下
相與盡心協力以圖其成財不必多而用之恒足民不必衆
而任之而裕事之成也恒不見其爲難難於往者不可及救
而於來者實有無窮之患焉茲城之成惠於封人甚大且遠
自茲以往民始得所保障知生之樂忘死之憂民命在民而
制之在我矣雖然此所恃以生者耳非所以恃而生者也
所恃以爲生之於前所以保之於久遠而不在於良守長二三
子既已成之於前所以保之於久遠而不在於良守長二三君
者則有望於後之人時成化九年

池南臨大江北倚崇山與圖明成化五年浚周二百五十九

丈濶四丈深一丈五尺吳志

開建縣

開建古無城明洪武初始築土城於開江鄉高僅六七尺景
泰元年流賊攻陷始調官軍守禦天順三年肇慶衛指揮王
芳千戶胡清以基曠雖守乃儉其制高存三之一週植木柵
八年都御史葉盛奏築磚城指揮聶聰知縣黃瑜先築土城

建門三南曰迎恩西曰開江北曰鎮邊未幾知縣黃瑜陞任

知縣陳琳繼至與聰經理成化元年都御史韓雍復發帑金

磚工始竣周三百三十六丈高一丈九尺面一丈基厚一丈

八尺串樓二百二十二敵樓五嘉靖七年典史黃世澤修十

四年五月洪水城圯七十餘丈知縣呂賓修復始塞北門撤

串樓作雉堞隆慶五年五月水復決吳志萬曆元年知縣胡希

寅增築南門子城二十餘丈開三門西門子城二十餘丈開

二門十一年知縣葉之盛開東門塞西門郝通志國朝順治

十七年知縣侯于都葢城樓四座康熙六年知縣崔國祥修

子城十一年知縣張冲斗修南城樓二十五年城上四樓俱

爲風雨圯知縣姚從智修二十六年五月大潦淹城尺餘西

城塌三十餘丈知縣姚從智修後復圯知縣丁際治修五十

七年南樓圯知縣程子璋修吳志嘉慶十八年西潦水漲壞城

三十餘丈知縣熊幅詳請砌修巡撫韓封委員勘明具奏時

值辦理軍需各項停修二十二年總督蔣攸銛題覆部咨行

令知縣張之棻領帑修築

既通志

明傅珍開建縣城立城池記畧開建東控懷集西扼蒼梧林
堂明蛋民雜以處南宋時始置縣而因初因之居無城郭守
無甲兵景泰初西賊寇掠始調官軍哨守天順改元之明年
肇慶衛指揮王芳千戶胡清等建柵木棚外濬重濠爲塹以
衛嗣後賊勢猖厥知縣黃公瑜乃議翔築城池經始於天順
甲申之秋七月越九旬而土城告成原議磚石灰瓦之用儲
司給銀五百七十兩爲用不敷既而黃公權守雷郡去知縣
陳琳復請於都憲韓公乃又給銀五百兩乃壘石爲脚甃磚
爲堵內外包砌一新廣三百三十六丈高一丈九尺加雉堞
二尺建三門俱有城樓上敵樓五座而外復繞以木棚仍浚
舊濠兩重各濶三丈餘深
丈餘成化戊子春二月也

池西臨江無濠環北而東廣東輿圖天順三年疏河兩重各濶二

丈五尺深半之於縣北鴈山濬源至五里鑿堵瀦水因名水

母塘引溝灌濠秋冬不竭八年濬濶四丈深丈餘環北而南

西臨開江

吳志

建置二 解署

肇慶府

萬壽宮在高要縣學西前爲闕門門前爲牌樓爲左右朝

房中爲

萬壽宮

吳志

嘉慶二十一年高要知縣陳聞炳以原

址地低窪詳請以督標中協舊署敬謹遷建

阮通志

兩廣總督部院署在府城東門內卽元廉訪司舊址明洪武

初改爲按察分司二十年改爲嶺西道署宏治中改爲察院

署

阮通志

嘉靖十五年改爲撫按行臺外建三司廳把總廳賞

功所四十二年總督吳桂芳改建正堂五間穿廊一間後堂

五間左右耳房各五間隆慶五年總督李遷建穀陰亭於內

署萬曆五年總督凌雲翼重建後堂五間名曰廣益東西廊

各七間東爲大觀樓西爲讀書樓亦各五間又建儀門大門

各二間門外左爲坐營司賞功所右爲中軍廳火藥局萬曆

八年總督劉堯誨重建正堂廊房及內署萬曆十六年乃移

署於廣益堂之後而以舊署爲廣益堂改建讀書樓

吳志崇正

十二年總督張鏡心改建文來閣闢射圃 國朝康熙八年

總督周有德重建籌遠樓運籌堂九年總督金光祖重修

乾隆七年總督策楞 奏明移駐省城不復回肇慶三十二

年動項修葺福字堂三十四年動項修葺內署自後失修漸

就傾圮嘉慶十八年總督蔣攸銛扎飭肇慶府會同肇慶協

親往勘明揀出倒塌大小棟柱及磚瓦可用者造具冊檔分

別點交高要縣申令查照存貯備案并於頭門外築砌磚牆

一道與圍牆接連出示曉諭毋許兵民人等擅入

並阮志舊署

頭門一座三間前爲照壁兩傍爲東西轅門爲東西牌樓後

爲儀門三間又後爲牌樓又後爲大堂三間又後爲二堂三
間又後爲宅門又後爲後堂五間又後爲後樓又後爲諸小
房轅門之東大街之南爲手本房爲號房北爲司道廳府縣
廳廳後西爲廚房中爲馬王廟東爲開帝廟廟後爲文來
閣爲東西稿房又後西爲東書房東爲賬房又後西爲福字
堂東爲雲壑堂堂後爲大花園園北爲挹清堂旁爲亭者三
爲池者一花園西爲小箭亭二堂東有橫門通東箭道箭亭
二座轅門西大街南爲皂隸房大街北爲武官廳後爲鹽政
房房後爲來鶴堂又後爲幕客房又後爲雙桂堂大堂東有
橫門通西箭道後爲關帝廟廟志道光五年總督阮元始大
加修造凡建東西轅門儀門一進屏門一進正中爲演武廳

恭懸

御賜福壽字匾額後堂五間小樓房一間上望七星巖東西
耳房各三間廚房一間前後周圍垣墻葺理一新廳事後有
數百年老楓樹輪困蔥蒨題曰大樹行臺甬道前右爲馬道
左立修建舊署續刻題名等碑及前明平海平寇二碑今並

附錄於後

册採訪

明林大春修建端州總督部院公署記萬曆七年十一月大
司馬兩廣劉公新建督撫行臺於端州越明年四月而行臺
成百工畢堂殿門庭廊廡軒榭之屬高聳深闕宏敞壯麗巍
然爲一方巨鎮其時會有西征之役捷聞及旣旋迺大會兩
省藩臬總帥將校而落成之遠近觀者肅如百蠻之長九焚
之使莫不想首跂足喁息而趨趨於是兩廣公成使致辭請
書其事於嶺東林子林子曰異子嘗行游宇內起或陽而西
至賀蘭北陲醫問歷燕趙梁陳吳楚閩越之墟南踰嶺表抵
於蒼梧益所至多重臣閭府然未有若蒼梧之盛者也彼其
盛高固而俯層巒控諸峯而走百蠻固節鎮之雄也而復有
行臺之設何益梧去嶺東郡縣甚遠又地屬炎荒暑氣爲烈
故自先朝以來先帝耆撫諸公往往以夏月移鎮端州名曰
避暑而實以城彼東方也故其所居爲嶺西故道置陸泱隘
歲久巽壞余在蒼梧時嘗從白湖吳公至州白事公指示余

曰此蹕卽次非所以重軍旅肅夷夏之具瞻也方議修建會
遷去不果其後十有餘歲洋山凌公乃始創建後堂及東西
二樓稍拓門前衢路而增飾之亦足稱大觀而制猶未備豈
知煨燼壯麗之觀竟有待於今日耶夫天下亦其作也必有
因循承其敝也必有待而與翼翼則明厥功乃成方是州之
有行秦之稱也其初不迺爲橋樑髮駐之地來往無時人情
因陋就簡遂不復與更始亦無怪者劉公乃三楚豪傑歷
中外聲施朝野以身繫天下之望者垂三十年故其所至勳
名彰彰如是至諸所舉指大都期於宏遠垂久而爲一切苟
且之計雖茲行臺既建儼然與若梧宮鎮角立而峙卽西省
有事直鼓行而西耳假令東省諸郡有不虞亦可以傳傲而
至自不至於偏重遂制之患是一舉而闕於軍國之利甚大
不可以不書乃係之以詩其辭曰昔昔壯遊經四方北走碣
石東扶桑重臣出鎮職封疆建節開府爲邊防星分斗列摩
大章惟有蒼梧稱昂藏滄海爲池嶺爲梁鎮撫毗黎走蠻王
誰其作者韓都堂至今人說羊襄陽顧其地遠余之鄉赫赫
炎炎氣莫當先朝節使會追荒庠旌東指崧之江白石鄰鄰
水洋洋耀武敷文到海邦但仍舊費臨康莊惟整駐空尋
常南昌老臣歸巖廊行臺坐嘯吟未遑千載方逢凌太倉廣
陌安詳旅盤有覺憂且長軒然高舉凌穹蒼騰空五色鄉
雲翔千飛千似集鸞鳳韓劉並駕聯芬芳是日平西露布張
薄言旋歸歌揚會集大家烹牛羊旌旂閃閃羅干將劉公
燕喜爲案鴨四方來觀祝壽康靈爽跋足隨趨踰一時勝事

歡雅量貽書遣使徵琳瑯恨無豫羊迴秋霜伐石甌辭比甘
衆不獨聲流瀛海與龍是歲爲龍飛庚辰孟秋之吉張鳴岡
重修兩廣制府題名碑記高皇帝混一區宇自嶺嶠以南訖
於海靡不納土獻琛列爲屬國輿圖式廓威德旁薄獨迤于
右而兩粵則北負五嶺南帶滄溟西控九真日南幾盡西南
半壁顧其地絲曠人習儻悍諸夷八蠻之屬嗜殺起亂不逞
之徒因緣煽誘出沒山海莫可窮詰至宣德間而亂益甚如
火燎原熾撲熾熾者變之成謂粵東西如唇齒臂股之相
爲用偏重則偏倚西既仰給東酌東亦時調西師權事宜兩
圖畫一非得重臣兼東西而臨制之難保無跋盪橫決也景
泰中詔都御史王公翔往王公召還則葉公盛代于時嶺事
孔棘行部東西不遑處成化初韓公雍始開府蒼梧林聲濯
靈屹然爲南服重厯劉公大夏王公守仁周旋桂伐濯蠻瘴
而日月之旣而嵐瘴消海波旋沸東顧之憂視西更倍鍊
播之節遂移於端首自吳公桂芳始而拓建行臺則劉公堯
發便且粵西有專撫粵東則制復兼撫峻梧而端勢也余不
佞承乏特簡至東曉西眺鷗晏旣博厥任甚鉅端端慮所以
靖南服而稱上旨者蓋今視昔九難矣裝者山海之聲雖聞
有驛驛而兵餉充盈足待征繕之命邑熙熙呼不應無已則
粵儲蓄一掃而歸之瓊林矣膏脂旣空額呼不應無已則粟
度冒愆貪漁嘉與文武長吏分猷軫慮萬物力無藝十之三
長弊官金錢無經十之四留借緩急萬分之一余之以節爲
備也蓋以撫爲制也昔之制者開之用之而已開之孔竭用

將莫支而余始統言節蓋嘗觀富人之室用時不加於舊
而食指凌繁費耗日倍勢不得不貧而計無所出不得不
省當其有餘多出之不見其損即少出之亦不見其益及其
貧不足而思困焉乃始節食用罷賓客停無故之應酬清值
僕之伎耗仰所留者甚微亦足以資且夕之急子所處不幸
乃無如此鮮職有言善爲國者常使財勝其事尚事不勝財
今不能使財勝事第不合竭於不悉之事知是而已以諸君
子之材畧處事之有餘竭思畢志持而效之於上故易今處
其不足出之孔多入之孔少叩關補贖仰而求之夫歎窮則攬
之粵則無異乎昔之粵也事不加省而民益貧夫歎窮則攬
人窮則亂重以漢夷蟻於內島夷何於外顛欲以無米之炊
空券之博待此叵測之憂危是又難之難矣然使諸君子而
在必有以辦此而子固媿淺末之逮爾拮据之暇聞考往乘
典型具在梧同有題名端則未其慮且煙沒謹要其姓氏爵
里勒諸石而附于小子於其下以識高山景行之意若緩內
請外勒諸鼎爨以無負聖明寵任與諸君子雁行而方駕焉
則吾豈敢萬歷四十

一年癸丑五月朔日

國朝周有德兩廣總督題名碑記兩粵北接江楚西控九真

日南東連八閩南則島夷環峙循海濱上下數千里山澤深

輿民猶雜處嗜利輕生每懷不逞輒自相殘賊捕之則鳥獸

散蓋其地勢俗習然也喪

世祖章皇帝混一方夏一戰而北平底定再戰而江湖崩角
傳檄所至罔不投戈效順惟五嶺以南尙勤王師至順治十

聖恩示

卷五

建置

解署

二五

有一年始獲大定則兵部尚書李公率秦寶肩其在公諒達
有遠畧與兩藩砥礪勉匪內拊循士卒外禦強寇解新會七
旬之圍駟李逆戰象十數頭致之闕下東西山海不旋距

而窮清考

天子聖書褒嘉移節浙閩於是王公國光李公樓殿後先繼

任康熙元年虛公崇峻以宜大總制移端議者以海寇仰食

內地宜禁核濟送徙海之民棄其田疇城郭嚴中外之防

逆鎮蘇利抗不內遷公與平藩討之赫聲濯靈疆固帖然四

年虛公與祖代時鄭逆以新并島夷紅毛之地不能內寇惟

是遷民流離挺而走險瀕海宿莽盡為賊藪乘魁魏籍邱輝

等偷生波濤輒入為寇兩粵嗥然康熙七年秦千方承乏山

左奉有督房之命隨趨朝陛見讓所以安輯海疆至計

廷對累旬日欽承簡書由淮任返裝勘界遷民泣擁馬

首者日以千百計子散然始置奏請開界於途慟不欲生拜疏

天子開焉陛下部議適子丁外艱間計於途慟不欲生拜疏

終制再請不允行次合浦而盜息民賴小康社稷之靈

聲如沸於是剿逆撫順不數月而盜息民賴小康社稷之靈
聖武臣之力也八年冬勦界事峻補嶺陳情幸蒙
聖慈允許俟代之暇偶閱往乘明景泰以後率有題名
朝缺焉未載慮且溼設因考其裔里姓氏勒石以備觀覽後
之君子遐考敷籍近稽往事察其治亂得失之故於以優游
布政上用

聖天子億萬年不枝之基下慰都人士來蘇之望是亦司馬
召寶諫院題名遺意也南山之詩曰赫赫師尹民具爾瞻民

勞之詩曰式遐寇虐無俾民憂又曰王欲玉女是用大諫於
諸君子有厚望焉是為記康熙九年庚戌三月穀旦阮元
道光初重建肇慶總督行臺并請題名碑記兩廣總督若明
薛察王守仁皆駐兵廣西梧州而廣東肇慶廣州皆有行臺
嘉靖四十二年總督吳桂芳因東事重於西事始移駐肇慶
以行臺為署擢六營動兵為兼顧之計謀據形勝也我
清乾隆十一年總督策楞始常駐廣州以廣州之行臺為督
署肇慶之署為行臺臺中久無居人堂室朽壞三十年來更
全傾圮阮元來此皆瓦礫場堆石狗碑礎僅存矣近來廣東
全海肅清內地安豐廣西邊徼亦皆綏靖元屢以簡閱東西
官兵往來肇慶止宿於閣江樓上因念此間為兩省扼要地
絕督署雖段而兵不可移各營將尙皆有署乃總督於城中
無一椽非政體道光五年於營基重建行臺惟立門屏兩重
堂室兩重取可以校武暫駐而已無多構也復於堂西開馬
射之埽階上設步射之序階下可練小隊東南建帥字旗修
復城南墩亭庶幾體制得宜而往來均便且重兵所在當務
其本也堂前題名碑自乾隆九年後
未續刻爰書列之以續前而開後焉
附錄 平海碑粵在嶺徼萬里天未厭禍嘉靖間李茂陳德
梁二酋東髮坂夷榮營雄點召黨番陵海上焚我城社屠我
士女當事者以勇毅中倭師疲于行聞財困於轉餉不忍拮
據父老以奉執教姑從招撫以荷旦夕無事自隆慶壬申迄
於萬曆己丑幾二十年竟爾嘯聚包藏禍心陽以從撫愚官
司而陰蓄其不軌請前巢宇基列舖錯廣召閩廣亡命以為

爪牙陰結城中豪俠為耳目腹心揚旆鼓柁開入禁地則
醜藏室錘吹拂浪乃接火攻便於嘔蹏樓船將士歲被創不
可計海瑤愚氓垂涎利藪釋未相以投命阡陌鞠為茂草官
阻蕩然告細矣四方之劍容奇民遁亡罪隸踴躍擊搏五合
六聚大都自畫之間割覆莫可詰富者齋重貲創舟具牛酒
給好坐而信收其利貧者願效死命以償子母金鏐出沒枯
天浩浪中走死地如驚狂風猝起白骨疊疊洋飄婆娑迎魂
野燄夜泣况其機智布密官司稍有嚮則推及而起此如未
潰之疽不發則已發則難收萬應成子春直指蔡公夢說合
徒居郡城冀其悔禍天解乃枯終不接聚黨倭掠如故大司
馬劉公繼文初奉命經兩粵軍事即徵材官詰責二酋其餘
寔察克成陳良德等逐擁眾出海楊戈內向脅官司必釋二
酋公僧未忍加兵也與直指黃公正色商度遣使招諭庶幾
待以不死乃兩旬間籌餉輸轉登岸長驅天襲清瀾焚毀廬
舍煙燄亘天毒炎炎且熾公曰若毋乃以故智嘗我吾不敢
久留天誅矣乃移強都城以便調度命總兵都督僉事李君
棟波海關師真副使孫君秉陽督水軍材官急擊勿失復命
參政徐君應奎會事許君國璋督雷廉諸軍參政熊君惟學
副使黃君時雨督高涼諸軍涇之又命黃君選精卒遣坐營
崇維續往命布政使程君拱宸給餉惟時按察使徐君用檢
嚴功惟允副使趙君善政選精卒遣都閩邵君曾和往副使
王君民頤飭斥堠毋令遺網又命瓊州知府周君希賢雷州
知府林君民止募勇敢繕軍需聽用游擊沈茂守備把總陳
震陳策李棟甘霖分諸道夾擊之又命瓊州府同知李維岳

通判劉世懋署高州事推官傅國本署陵水事訓導林立瓊
山知縣莫恃英徵翰募士保障惟嚴已而諸道兵並集公日
幾矣乃下令誅諸將日敢有狐疑持兩端惑軍者誅有首風
進退軍者誅惟是幕府斧鉞不敢專亦不敢貸又下令誅
諸道口敢有載酒米餉賊者乃令門黥數人潛抵郡城繫書約二
無赦軍聲大振賊甚密乃令門黥數人潛抵郡城繫書約二
首乘一由廣海督越南頭諸軍以進一由海南統游擊諸軍
並入一由廣海督越南頭諸軍以進一由海南統游擊諸軍
所向克遂有功五旬之間執賊獻俘旦夕奏捷轅門下諸將
長以次就縛餘黨悉不自狀上大悅晉奏金幣勞文武將
士有差是舉也共擒戮六百顆有奇俘獲賊屬一百有奇器
械稱是其沉溺重淵骸骨浮海者不可計海孺之間農不釋
鋤女不罷織父兄緩帶稚子咽哺而享有今日者誰賜也夫
樵爛之功孰與曲突徒薪之策烏附之劑孰與望色視口之
效非公神畧及遠迅速成功則浮謀嚮應為賊樹黨者日益
翠又不然則走日本趨暹羅引異類以種粵禍無已雖有
十萬之材官全省之物力恐難藉手矣當公移鎮都城時五
色祥雲冉冉薄前旌又上界列真先代忠烈降几授方畧成
功悉如左馳豈偶然哉不佞臨散楮首獻頌頌曰五嶺以南
是用大荒醜庶孽敢悖天常嘔我蒼赤毒我邊疆帝曰彼
醜匪異人類暫許爾無庶其化誨戎性信獸心靡易召爾
亡命納爾剽賊艦輕能鼓椎禁池我有黍稷刈為盜極我
有牛酒取為盜資兵無釋戈歲無寧宇陽為招降實則奸府

志臣特議曾從爾徒彼夫耽耽鳴張未已布黨連舸妖氣再
媚鯨浪飛鬪羽書遞箭聞者褫魂談者扼面可馬授鉞開馬
興憐日我羣庶罹此困苦自彼召釁非余志武乃命元戎擊
母南渡龍驤虎旅驚馳迅鷲乃命蔭泉趣督樓船鳴鉦伐鼓
震蕩山川乃授侯宜諸道並以金戈耀日羽葆生風結障橫
野懸蕪蕪空桓桓將士如虎如熊公日戒兵不在戰先伐
厥謀徐觀其變進無易敵退無避寇罪在渠魁脅從可宥於
赫神靈呵護王師陳謀授畧功成如期倬彼雲漢昭回于天
朝勞如破竹莫如發機氣清日朗波恬浪夷民安以德昭臣
面嗜飲至策熱嘉錫依宜司馬勒躬載拜稽首帝德光昭頌
力何有賓服首蠻天子萬壽昭格元穹靈既是有佑大史作頌
以彰洪績勒之貞珉永示無疆萬曆十有八年四月吉旦賜
進士第徵仕郎翰林院檢討雷陽鄧宗謫撰肇慶府知府朱
天應同知陳承芳通判余相辛聯芳推官傅國材高要縣知
縣萬九章全立石嶺南平寇碑嶺南古粵地自秦葉弗屬
當漢盛時武皇遺伏波樓船二將軍十萬師征定之分其地
為珠厓儋耳諸郡而未幾徼叛及元口萬計弗能討討
都護以下十一人與大兵屢數年費以口萬計弗能討討
之亦棄弗屬而漢亦遂衰矣大禹敷反覆好亂自古記之而
其闕國盛衰亦如此明與統御萬國際天極地皆入版圖而
粵為天下兩都會胡南甯聲教矣然治久則孽生地險則易
阻而嘉靖間巨賊李茂陳德樂二酋者乘倭外訐而內造亂
烏富是時亦嘗聚兵會剿矣或言兩難並發民恐弗堪不若

且推冠而專事倭使而賊伎窺指亦願就撫乃撫之而于海
濶之側所謂鋪前者安置焉而鋪前與珠池最近珠池者國
之大禁賊之故所睥睨者也撫既久遂擁眾數犯禁盜地而
惟理對攻遇商賈則掠商賈有居民則切居民與官兵格殺
無忌於是前直指蔡公葵說悟安置海墘之非也口口口之
口城內焉然賊雖徙而徒黨在海澳者亡慮數百千人大大者
稱澳主小者各有名號皆分布諸澳中而益造銅鑄諸戈船
亡慮數十百艘亦密藏諸澳中數召集天下亡命奸人豪俠
劍客與羣黨雜居其志叵測矣富事者欲口口口口則賊方縱
橫恐為大亂之漸以貽後憂亟治之則賊既受撫恐發大
難之端以嬰始禍皆田顧莫敢言而西粵間府劉公繼文膺
特簡晉少司馬總制兩粵至則奮然日春秋譏不討賊兩酋
本首逆蒙宥不悛因撫益恣固王法之必討者也且酋既巨
測而結構益多倘一日定謀俾在澳者自外起酋從中應之
可無寒心哉吾固計之熱矣彼二酋者擒亦反不擒亦反擒
之則反連而禍淺不擒則反遲而禍深則莫可為矣吾寧
任其淺者遂決計而置獄焉公預料二酋朝擒羣黨必夕起
起必自清瀾始與澳近也乃命鎮城戒嚴而檄參將楊友桂
者提兵護斥城防禦口口口口果如公料飛書城中約內
外並起而還卒以戒嚴輒得其書遂閉城大索計不得行而
是夜犯清瀾者友桂違節制亡備賊遂突入倡獮勢洶洶矣
公乃與直指黃公正色極論友桂失職罪亟去之而以可任
者攝焉直指公口口紀綱接風裁飭厲文武與公同心討賊
軍令益嚴而總戎李君棟者具謀勇尙忠義數踴躍赴敵名

肇慶府志卷五

三六

將也而布政司右使陳君拱宸分守道左參政徐君應奎右
參政熊君惟學左參議李君一揚按察使徐君用檢兵巡兼
提督學校副使孫君秉陽兵巡副使黃君時雨古君之賢海
道副使趙君善政兵巡副使許君國瓚提督學校兼攝兵巡
僉事郭君子直或臨敵或督餉或紀功雖職不同而皆運譔
畧曠才猷竭精思佐頤畫皆極一時之選者也公於是徵總
戎駕艘船親入海而兵巡孫黃諸君統舟師繼之分其兵為
三道一從公出一繞其左一夾其右三道並進而清瀾之賊
自恃始方突出莫能當以爲大軍未必卽合可遂橫行也履
見三道兵掩至皆失色錯愕而我軍遂出其不意橫擊之屢
戰屢勝轉至砲港則遂陷其中堅而澳黨所謂蔡番鬼陳二
老賊中稱爲澳主尙爲冠鋒者也而一時皆殲焉則諸黨
遂不能支而我軍大呼追擊遂俘斬六百有奇溺死無算而
澳賊悉盡矣方公移鎮南征而妖賊李圓明者實並作焉圓
朗以符咒蠱惑楚粵間而楚粵好鬼信禳祥從之者眾口刻
符口印祭旗分遣其徒約期日各從所在自詔州起而粵以
北皆煽搖動矣公急馳檄按計先其未發剿之不旬日而俘
斬百有奇梟其首於盡釋所脅從者翁然遂定焉及澳醜奔
逸未滅而珠池之賊又報矣珠賊者澳之別口口口口相盜
犯而特角者也至是乃大集焉公復檄總戎出海而兵巡孫
黃與許徐諸君繼之分其兵爲四哨大約與澳戰同而珠賊
之數與澳則倍我軍乘勢益奮進擊益力故其所摧敗益多
遂俘斬首處皆漢故珠崖地也此其功亦可想見矣而是役

要如方與容賦談即席賦味雖舊相之麾扇臨陣曹公之橫
梁賦詩蔑以過已其奇六也然予聞公之始擒二酋也亦有
若心者已非專於爲國弗顧其身者不足以任危機非盡於
報主弗成其志者不足以斷大事夫專於爲國者古之所謂
謀忠也盡於報主者古之所謂純誠也而公忠感天地誠貫
日月此其立功之本而天下所謂純誠也而公忠感天地誠貫
自公以下實資各有差而公之功當勦在旗常垂之竹帛永
承無窮矣于是布政司左使張君大忠與徐按察同請予言
徐則已在行間而張之下車適當飲至之後然公以其明哲
先嚴方於善後有賴焉遂并著之頌曰昔在周宣爲中興主
南定淮夷北接屬虜維時良臣有方有虎實翼王綱是經常
武於錄我皇統天御宇萬國版圖四方安堵蠢茲么麼曷足
昔斧始焉速逆宜仰醜俎如天之仁宥其游釜匪思是思惟
兇斯枯厥按回測賜爲就撫爲速逃戮造作樓櫓犯國大禁
持兵格阻戮攻居民抄掠商賈赫茲王法藐焉敢侮愆不知
畏走死如鴛以彼陰惡如虎負隅恐蹈虎口敢撩虎鬚民不
敢指吏亦踟蹰桓桓對公爲國忘軀正色持法額天請誅首
發大難亦履危機誰其獨斷以割羣疑忠誠貫徹明察幾微
萬舉咸當一策靡遺爰整其旅秉鉞誓師以正天討以布王
威觸之者碎焉無不夷制府崇重孰履行陣惟公驅車凡三
移鎮十乘一臨于威奮如巽之擊如霆之震詩歌三捷書
紀七旬以懋其績復合其辰速往速來悉久悉平地旣無賦
民不知兵國之砥柱專之于城我思古人厥惟姜召出總征
伐入爲師保推茲膚功曷不克劬天生我公本爲社稷將膺

龍嘉夾轅周室粵鎮既寧越襄重譯對揚王休承後方國聘
進士出身前資善大夫禮部尚書兼學士工部尚書管吏部
左侍郎事兼管詹事府翰林院事纂修承天大誌國史副總
纂吳興董份撰萬曆庚寅仲秋吉日肇慶府知府朱天應同
知陳永芳通判余相宰聯芳推官傅
國材高要縣知縣蕭九章全立石

按督臣常駐肇慶自嘉靖四十三年吳桂芳始崇正
五年熊文燦總督兩廣移駐廣州爲督臣常駐廣州
之始然自乾隆初總督策楞奏明移節專駐省城

以前猶是旌節往來或半年駐肇乾隆三十年至三
十四年屢次動項修葺俱各彙年冊准部覆報銷自
後不復駐節署亦不修至嘉慶十八年總督蔣攸銛
札飭肇府會同肇協勘明揀出大小棟桂磚石可用
者造冊檔分別奏高要縣申合查照存貯後合陳聞
炳變估拓修端溪書院等處至道光五年總督阮元

乃重新創修繼事者以次增葺可復舊觀矣

提督學院署在東門外府學宮東大堂一座三間大堂後爲
抱秀亭亭東西各書房三間亭後爲樹人堂堂後爲尊經樓
三間樓後爲上房五間大堂之東爲舍廳三間西爲稿房四
間大堂前爲東西文場前爲儀門牌樓一座扁曰雲漢爲章
牌樓之東爲土地祠西爲舍廳前爲頭門門東爲官廳西爲
號房前爲鼓樓照牆吳志雍正七年添設肇高學政駐劄肇慶
乾隆十六年裁缺遂以其署爲試院阮志學使翁方剛匾其
亭曰得綠縣志嘉慶七年易試案以石高要志道光七年各縣公
捐重修署高要縣葉承基董其事於尊經閣後院增東西偏

房各一所

採訪冊

國朝翁方剛得綠亭詩老樹空庭得昔聞南郭吟可能人比
木莫說古猶今春日發生意初來栽種心躊躇憶五載卷幔

北窓陰渺渺端江兩年年較掉聽七巖音迭奏三峽遠尤青
橋抽槐榆氣疏瓊瓊樞斗靈雲英與水碧一受以寒隱陰崖誰
筦什石巖我窮接蟬蝠飛用下琅函甲乙收露蟠丹葉曉風
散紫琳秋變幻雲霞色平看况有樓蘭葉吹新暖蕉陰映晚
蒼鳥鳴聲四角人生翠中央一片衷襟裏自然
蒼藓香不須頓比喻更以付名室呈巖雜錄

按督學歲科試士向在城內分司自國初督標重
兵全駐城內不能容士民往來居住遂改閱江樓次
爲文館之用旣而干戈繁擾江樓瓦礫較士衡文要
無定所知府張京銓等構材鳩工規畫府學明倫堂
增廣房屋衙齋以備督學按臨自康熙五年以後歲
科兩考恒駐於斯矣

肇羅道署在督院西二百餘丈卽分守嶺西道署正統四年
知府謝琬建成化三年知府黃瑜病共湫隘乃塞池益之嘉
靖十五年知府陳嘉謀闢建正堂穿堂兩廊甬道三十七年

參政吳桂芳徙建後廳廂房以次而北又於大門之外樹屏

隆慶四年分守移駐高州僉事羅向辰改爲兵巡道嘉靖八

年僉事李香閣崇真堂及豐濟倉廩空地大建堂廡樹題名

碑三十六年僉事鄭東白卽指揮王倉宅建後堂吳志萬曆八

年改闢大門阮通志國朝康熙六年嶺西守道奉裁衙署幾

廢吳志九年復設分守道知府史樹駿修復十一年改爲廣肇

南韶道十二年僉事任竣重修二十二年改守肇高廉羅道

雍正八年始專守肇羅署皆仍舊阮通志已後修葺無考現在

大堂二堂三堂各一座三間三堂後爲住宅五間後爲花園

按今只二堂後上房五間北垣外卽通衢矣與吳志異住宅左右各有配房三堂東爲

書房西爲配房二堂西爲書房東爲配房房左爲廚廚左右

爲箭亭又前爲配房大堂之東爲官廳又前爲舍廳西爲稿

房大堂前爲儀門儀門東爲土地祠西爲寅賓館儀門之前
爲頭門頭門東爲官廳前兩傍爲舍廳爲東西轅門中爲照
牆俱於乾隆二十四年高要等各州縣重修與志三十九年建
復鼓亭二座縣志道光四年修造三堂五間縣志道光八年肇羅
道許乃濟就署內東射圃創屋三間曰求己齋射圃南築一
臺曰觀臺可以眺遠臺下鑿小池疊石編籬蔕蒔竹木爲公

餘憩息之所

採訪冊

明倫以諱嶺西兵巡道題名碑記廣之嶺西道所領鉅郡二
日肇慶日高州素稱多寇而肇當百粵衝厥屬州邑率民徭
錯處負險兩兵懸勢易致以故宏治中詔俞憲副胡公畜之
請特設兵備於茲先是二郡暨雷廉有行軍僉憲一人公乃
建議謂肇高多警宜有專備雷廉曠僻不可遙制於是制雷
廉持有茲設且開府於肇極其會也分巡三載一易重其任
也閱年審其人以代故正德間有以方伯兼任若吳公廷舉
者雖共選也比猶難治羅旁西方與廣右連冠連合羣不逞
三東聚擾居民苦之歲丙戌余同年江右蒙溪李公香由刑
部尚書召外郎陟廣臬憲僉奉陞書顯董厥事既滌蒙振弊
彥斐守志卷五建置 廨署

三載盜規民咸奠居一方不寧首務既張爰飭百度乃新公
署興圮易陋煥然改觀乃立石鐫歷任羣公姓名傳之虛左
俟來者故未有也既訖役鳩余爲之記予問凡公署例有題
名舊穴作若之意何居示不朽也其示不朽何所係重焉爾
自昔封建法廢更土而官易民而治自非核豪傑之才有復
古之志鮮不以逆旅視彼司者一時從事大都草草求集同
息承罔其或侈焉而放肆焉而行其意若曰異時均陳迹耳
嗟乎孰知有不可忘者哉蓋民愚而神淑應在人不容湮泯
志于厥心是惟無觸觸而感焉雖千百險猶一日矣甘棠之
歌岷山之碑由今視之峭若丹青胡可廢也自茲石之立也
前任是者若而人後任是者若而人罔不大書後之人觸目
而感心者其賢耶將稱之述之咨嗟咏嘆之莫之掩也反是
則不無遺譏焉亦莫之諱也雖列姓氏虛政績而美刺之實
隱然同寓矣且俾閉官者回之考得失辨取舍思懋勳業與
夫工省而道則多事易而益則大攻之善物也茲舉有焉李
公之志遠矣後之君子可無發於斯其大造我西人乎哉
柁大春修建肇慶分守公署記肇慶爲昔端州地山川阻采
民俗錯雜孳以之警環境相屬者凡振武揆文劑調兵食以
保又黎元輯寧疆宇主之者皆撫重臣而分任底績則守巡
二道職也往襄毅韓公問府蒼梧撤嶺西守巡駐劄彼中而
檄撥策後改分巡專駐肇慶郡城而分守則駐廣城往來巡
省故分巡公署廓宇宏敞足稱棲息而分守廳次僅僅數椽

人以傳舍視之不復異也頃新慶瀧會諸山獠浪賊徒煽誘
倡一歲之閒自秋徂冬蓋居端者大半於是山陰龍阜王公
以屏宇秋隘未可久居議與增緝會以遷去嘉靖丁巳余代
王公分守是邦觀茲故蹟知事在難已適躬親周視經畫事
舉其要費從其省得請於督撫印嚴王公侍御巨川徐公刻
期授工兩月報就凡增住宅一區書舍一區厨爨厠瀉鱗次
分列堂之前增高儀門數尺門之外增設木柵磚屏各一歧
路開井泉口內外嚴整規模改觀戊午夏六月余始移家入
居之志無內牽事不遙度自是地方緩急始調度稱便矣常
考成周之隆周公召公賢臣胡承同心翊贊向使二公者委
裘報政願指圖安宜無不效顧自營洛之後勉焉德但相與
分國而治陝以東周公主之陝以西召公主之曾不肯自恃
其才獨運遙制以爲苟安便身之圖蓋古人忠於謀國如此
國家設置藩臬控制諸路方伯憲使則居中總理之而守巡
各道則畫疆而治列壤而居其常憲也故官以守名守以分
名居於斯息於斯出入恆於斯則民之疾病疢癘不事襄糧
而可以上陳於吾前吾之良法美意不煩置郵而可以下通
於郡國合朝布於堂陛之間而惠久統於提封數百里之內
風行電馳雲合景從求地方之不吾利賴不可得也迺如遠
聚會城作文移爲提命郡或歲一至州若縣終其任不一至
焉是今之人反賢於周召茲余之所未喻矣余爲是懼然欲
專其任必思所以率其居則余於分守公署之增飾是烏可
已哉是役也始事勵贊則太守盧君璘董役受成則經歷陳

道知事邱民惠若知縣尹思亦與有督課之勞並紀之石嘉靖龍集戊午冬十月既望洪有復嶺西兵巡道續題名碑記國家分畫疆圻衆建羣吏錢穀軍餉大小之職各有攸司而惟監司之任舉而兼界之故其責重粵邊南徼地與爲犴田錯肩兵事者視諸藩維嶺西巡鎮之設駐車端州據牂牁江之塞扼六十三山襟喉以且夕受事於制閩之幕下其視粵之列鎮又爲劇且難前蒞茲鎮者率統馬四時就功緩急異宜弛張列用其勳庸可以昭於後人姓氏足以規崇遠邇至盛也署中舊有石刻書其名歷年而名逼自仁和沈公而下缺焉子謬踵諸君子後幸暨成憲以幾無咎而問有其事存其名忘莫得而徵矣夫食實不瀆其根猶爲忘本之警矧尙交其事而不知其人可哉庸是合重磨貞候搜次而鐫列之既其宜有記週援筆書之曰題名者何示將來也以石者何志永久也然吾問之謝安石碑不載一字而姓氏抵今垂宇宙如日星若夫負螭首崇碑廣碣符里名姓大書深刻而見之且不知其誰何毋亦有所重若彼而輕若此耶道今前諸君子國功民庸炳炳若斯倘嗣是來者無能紹美前修勝厥官常卽熟視其姓氏不知爲何人碑雖備亦美以爲子于茲罷然有懼思焉聊志之以自警而非敢謂以告後之人

國朝陳繩祖肇羅道題名碑記乾隆丁酉夏余奉命觀察端州以十月望視事出八署門見步檐下有碑屹立東西各一初不暇問其爲何碑也一日觸目忽心動度當是題名且余既忝官于茲亦當附其間乃訊之吏胥茫然也欲下車問

讀又以民人具瞻或覺非體遂命墨工搨而覽之則前明先

後歷官諸人姓氏爵里而已我朝

聖聖相承數十年來承恩受寄蒞斯任者無慮數十輩今

自十餘年以上已不知為何許人遑問其夫監司大吏也

壁與羅同隸一官鉅任也以大吏而膺鉅任苟非政績彰著

流傳口碑則在官之日人但知姓名去則忘之比比是也人

患其湮沒不傳於是乎假題名以壽諸石嗟乎即有題名其

人之傳不傳初不繫是然則題名之設不亦冗乎余德涼才

劣自問承乏於此異日諒無有稱而述之者然則題名一碑

已不覺慙然媿皇然懼蓋本朝監司數十輩豈無一人欲

踵前人之舊而為此舉者余約而計之其故有三所見高遠
以爲近於好名而無當於實夷然不屑者此其一或志欲爲
之而困於簿書疲於奔走或耽於宴安因循歲月訖去任乃
已者又其一若乃尸位素餐憤然無覺即民生吏治且議之
無何有之鄉無怪乎其日擁阿殿出入此門漠然不見有題
名之碑立于檐下也此又其一也余曩者亦幾相若矣夫近
在眉睫之事尚如此推而及之所謂之廣亦將不見不聞
朝廷安用此大吏爲耶余不敢自諱因歷攷我朝諸公曾
朝斯任者而案籍殘缺無可徵信走書方伯姚公始得自雍
正八年改設肇羅道以後諸人姓氏爵里鐫諸石余亦廩名
其未參置檐間志余之媿
且懼而并以告後之來者
許乃濟觀臺記肇羅分巡署東偏有射圃蕪穢不治久矣余
蒞任之四年年豐民和簿書多暇因出俸錢稍加修葺闢一

奎夏守志 卷五 建置 廨署 三

軒日來已齋齋前五十餘步築一臺方廣八尺高不踰丈登之則網鼓象嶺朝於南崧臺石室拱於北圭頂大湘導江流於西欄柯玲峽障海氣於東端州名山水咸歷歷可指數循臺而下秀壑小池環以惟石有如舟者如几者如梁者如芝如筍者如禽飛獸伏者吟風露晨暉月烟夕木則攀枝恍柳桐柳花則佛桑鳳皇貝多羅果則香荔龍眼橙橘瓜棚蔭夏豆籬絢秋草肥不除竹瘦自植時或分觴佳客傾寫古檄倒屣同僚延訪民務不敢視同傳舍亦匪據爲行窩聊以課晴雨駢農桑占雲物之氛被察市廛之盈耗輒取左氏春秋義謂其臺日觀臺觀人于觀已于庶幾餘塵遠而洞垣壙壘毋自蔽其耳目云爾時道光己丑春三月

府署卽古端州舊址宋徽宗初封端王及卽位陞興慶軍尋

改肇慶府明洪武二年知府步從信創建九年知府胡善重

修宣德七年知府王瑩成化七年黃瑜嘉靖十八年袁載三

十年李寵萬曆九年王泮十六年鄭一麟三十七年陳濂江

中楠戴禧崇正二年陸鏊前後各有增創改建

阮通志

大堂五

間大堂前爲儀門三間儀門前疊甃爲臺門顏曰古端名郡

上建鐘鼓樓三間扁曰肇慶府臺門前爲牌坊題曰孝肅遺
風坊前爲照牆題曰古端州大堂後爲川堂三間川堂後爲
二堂三間二堂後爲住宅五間住宅後爲後樓五間後樓兩
傍各配房三間東配房之東爲箭亭三間住宅東配房二間
兩配房三間又西爲內書房五間二堂之東爲廚房西爲晚
香堂三間又西爲中和堂五間二堂外川堂內西爲廂房東
爲茶房又東有石樓三間俗傳包公烏臺卽此樓前有井名
包公井樓井之東爲倉廩六座又東爲魚池川堂前西爲豐
積庫庫兩耳房三間又西屋三間題曰嶺松佳處又西爲梅
花書屋三間屋北爲洗硯池池東有井大堂東爲寅清堂三
間又東爲清心堂五間大堂外儀門內東西兩傍爲六房又
東爲倉廩六座又西爲通判署儀門外臺門內西爲寅賓館

東爲土地祠祠南爲豐濟倉祠東爲米倉臺門外西爲經歷司司前爲號房又前爲司獄司東爲班房房前舊爲同知署今改爲高要縣社倉吳志成化元年知府黃瑜修架閣庫徙儀

仗庫於儀門外七年焚石爲譙樓置鐘鼓銅壺滴漏嘉靖十

八年知府袁載創軍器庫其知府宅卽古相魁堂節堂址今併之前爲推官署又前爲經歷署右爲捕盜通判署卽古裕民堂舊址後改爲同知署嘉靖三十七年重建堂曰信民堂

後仍爲通判署其前爲管糧通判署爲照磨署卽中和堂舊

址高要志國朝順治七年冬知府張之璧訪舊制盡令改復

八年改建司獄司於舊獄之南阮通志九年捕盜通判奉裁署

曠康熙五年管糧通判照磨奉裁六年推官奉裁署俱曠高要志

康熙六年經歷曹履端徙署於寅賓館西創建大堂二堂

大門

經歷署在臺門外寅賓館後多傾圮

阮通志

內梅花書屋

嶺松佳處寅賓館晚香堂後樓東西配房司獄司俱於乾隆

二十一二三等年知府吳繩年陸續重建併通行修葺費白

金九百餘兩內修府衙六百餘兩通判署二百兩司獄司署

一百二十餘兩

吳志

道光元年知府李鴻建聽鶴軒三間四年

知府屠英建東花廳三間七年署府陳懷彥重修譙樓是年

冬知府珠爾杭阿於東園箭亭後添建聽雨山窓三間八年

重修晚香堂四間十年重修三堂及兩廊郡署始有宴息之

所採訪

明王傑肇慶府麗譙樓記成化七年秋八月廣東肇慶府新

建麗譙樓成太守華亭黃侯瑜盛賓客以落之明年三月以

書來請記蓋肇慶府古端州也宋徽廟由端王入正大統重

和前陞州爲府更名肇慶大書肇慶府額賜之守臣卽府治

前築臺構屋以御書揭焉同朝洪武己酉知府步從信始寘

鐘鼓刻漏其上成化初元黃侯由充郡移守於茲始作臯門

於其南前臨通衢額揭於門六年冬募工伐石高要山中
 臺之舊壁周壘以石下為重門門結以拱高丈五尺中為廣
 道袤四丈有奇臺之上建樓三楹扁曰麗譙樓高二丈七尺
 於廣稱之役雖鉅而費費於公不以傷民財工雖勞而餽直
 於儲不以妨農時則是那人士之聚處於斯氓隸之奔走於
 斯商旅之往來游憩於斯但見斯臺之營與新樓之成翼
 言言以為據一方之勝稱瑰奇傑特之觀殊不知侯之為此
 其意固有在也肇慶居廣東上游據三江當五州要衝誠控
 扼之地往年夷寇竊發於邕桂之間轉掠他境雷廉以東連
 數十城民無完居朝廷憂之命將出師殲厥醜類以寧厥疆
 然而調發供需之困於民者肇慶亦已甚矣補殘缺未完之
 境土治瘡痍未瘳之人民侯於是時寧不加之意乎吾知黃
 侯一登斯樓觀山川之險阻則思所以保障之視原野之衝
 沃則思所以聖治之觀閭閻井邑之聯絡則思所以安
 輯而拊循之凡觸乎目感乎心皆思以為民以勤於政以急
 於化理俾北境無虞庶庶熙然安土樂生以奮激乎義而涵
 煦乎仁則是役也豈徒為嚴晷刻警昏旦設會當與籌邊
 春諸名爭雄於寓內矣陸整重修肇慶府題名碑記端郡
 何以有題名也曰紀郡守以下諸僚姓氏爵里識不朽備考
 覈也曰然則古之為仕者有問問無奇而名益張皦皦自好
 而跡愈晦將安所事名乎曰名者實之賓也名之不存實將
 焉附以若所云則凌煙之圖可以抹殺汗青之簡遂為虛文
 乎又何以史稱守令無不拔引箕黃勳誇卓魯也曰然則世
 有巧宦帆復高自標榜人鵠峴首戶祝庚桑遂足號於人曰

名宦乎曰是又不然郡不重官官自足爲郡重耳卽如端郡
自漢劉蒼梧以迄唐宋佩勝符憑熊軾若慮可車載斗量乃
至今籍籍人口僅一包孝滿其人則海樹表之非難而所以
奇長久未可空名襲也余自己巳冬抄讀茲士見端郡題
名創立於麻城李公再舉於山陰鄭公今日漫不勝書矣其
他荒榛偃石人與骨俱朽者又不知几幾不覺慨歎回念今
天子神聖維新布治而我輩適集復值更始爰鳩工礱石勒
自崇正改元以後諸守丞俸理余雖不敏請自隗始始若夫務
爲實政無玷厥名如包孝肅之得人齒頰則端人士自有口
碑又無事兩置貞珉於陵谷矣敢以約諸同官及後之官此

地

宋包拯題端州邵齋詩清心爲治本直道是身謀修幹終成
棟精鋼不作鈞倉充燕雀喜草盡兔狐愁往哲有遺訓無貽
來者

卷

國朝宋廣業菊圃詩並序端署中有菊圃闢自包孝肅公爲
守時誌稱公嘗構軒築亭學士爲山今無復存矣癸巳子益
出守端州余蒙恩賜歸田里因就養焉歲再周事稍暇子
益就圃故址復舊增新爲余憩息之所夫以孝養風士庶治
所先也余故弗之止落成之日恭慕

皇上頒賜我母暎綠二字懸於中堂惟孝治之意昭示嶺南
固不三畝池榭峇具二三故舊爲之題額余一一咏之以誌
余小臣之優游於此皆

天于優老之賜也 曩時開菊圃今日作春庭 杯泛黃花

際風飄白鬢 聲相招延 寄客逢暎老人星 此地同甘谷何須

謝洪蒼尙圃北萱壽映綠 思紀寵榮 箕裘傳世澤堂構

昭家聲 母德歸 課遠光昭 百粵城 賦寫室 世載風塵 吏棲遲

慙晚香 身依盤 瘴地心在水雲鄉 不異全風 厲寧受玉露涼

香 喚秋 帶真色 耐凌霜 綠香堂 入室叢 蘭茂因名 君子居

香 凝盈 戶 彌清 徹映階 除秀潔 眞無比 孤芳誰得 如謝庭多

玉樹 守復 奕 替 裾 香 子 居 河東 能 訓 子 累 葉 著 賢 名 清 德 承

先緒 名言 勗 後 生 尙 宜 思 惠 養 慎 勿 恃 嚴 明 保 赤 應 多 街 從

容 侯 政 成 惠 香 軒 雅 抱 愛 梅 癖 花 開 繞 屋 香 破 寒 催 淑 氣 先

飄 漏 春 光 如 入 羅 浮 境 疑 游 峽 嶺 旁 廣 平 留 一 賦 鶴 舍 有 餘

芳 梅 花 書 屋 演 漾 如 明 鏡 波 光 映 月 寒 妍 姝 如 此 別 昏 且 爽

回 看 畧 徇 通 幽 徑 浮 花 仿 曲 欄 誰 言 一 勺 水 微 尙 在 觀 湖 盛

水 盡 去 秋 度 庾 嶺 愛 此 嶺 頭 松 樹 倩 青 手 爲 圖 霜 雲 容 瀟

聲 喧 四 壁 鱗 甲 老 雙 龍 共 保 後 凋 質 相 看 春 復 冬 嶺 松 竹 交

小 閣 出 平 屋 兩 山 一 望 收 朝 來 爽 氣 豁 薄 暮 淡 雲 浮 片 片 飛

霞 摩 扇 扇 落 照 幽 憑 高 閣 桂 笏 身 世 一 浮 鳴 西 爽 閣 城 北 危

樓 聳 先 邀 明 月 來 少 年 多 意 氣 老 興 剗 尊 罍 放 眼 青 天 外 恰

晴 綠 水 隈 夜 深 清 明 發 蟾 影 共 徘徊 似 月 樓 石 友 瑞 江 產 文

房 晨 夕 親 憑 將 池 水 碧 洗 出 墨 花 新 珍 重 應 如 玉 摩 挲 最 可

人 堅 貞 比 廉 吏 絕 不 染 纖 塵 泥 現 池 緬 昔 唐 懷 素 幽 居 號 綠

天 蕭 疎 經 夜 雨 揮 洒 若 霞 箋 浮 潤 菰 苔 蔚 光

生 禪 簡 編 官 衙 閒 將 逕 藉 此 隔 塵 緣 餘 天

糧捕分府署在府署儀門內西

吳志

府經歷署舊在府治譙樓西已圯道光九年經歷李麟書請

於本府珠借款購回府轅內裁汰司獄司舊署改建

李麟書改建經

歷署

有記

教授署在府學明倫堂西

高要志

訓導署在教授署西南

同上

豐濟倉在府署儀門外東偏共厰一十七座土地祠東爲米

倉

吳志

舊在府西米倉巷宋建康間郡守包拯建明洪武三年

知府步從信遷於府治東

高要志

豐積倉在府署穿堂西

阮通志

監獄在府署頭門外西首司獄司署後一連二間東西兩廊

各兩間爲男監又東首女監一座外土地祠一間周圍棘垣

乾隆二十三年知府吳繩年修葺

吳志

今奉裁舊基久廢

備冊

黃江廠在城西七里明萬曆五年總督凌雲翼以羅旁寇平

許民入山伐木設廠驗稅以充軍餉 國朝道光四年知府

屠英葵隄上石路至沙街

縣志

督標中營中軍副將署順治年建

乾隆五十五年移駐省城

阮通志

督標中營都司署在府城南門內東仁里

原係守備乾隆十八年改都司

左營參將署在府城西門內橫街

守備署在府城西門內直街

右營參將署 守備署俱在府城內縣前東頭大街以上俱

順治年建

前營參將署在府城南門內西仁里

守備署在府城內東頭大街

後營參將署在府城內北門大街上俱同道光三年參將蘇兆

熊捐俸建職思堂三楹

採訪冊

守備署在府城北門內西橫街既通志

水師營參將署在府城東門外明直里

守備署在府城東門近聖里以土俱康熙年建

軍裝庫中營在都司署側左營在守備署對面右營在參將

署後俱順治年建前營後營水師營俱在守備署側康熙年

建

六營火藥局共十八間在府城內乾隆三年建二十一年改

建

肇慶協副將署在府署東康熙二十三年建

都司署在高要縣署南康熙二十三年建

火藥局在城內康熙二十三年建

俱同上

普濟堂在北門外乾隆十一年奉行建造大小房屋共四十

三間收養老民一百名

吳志

女普濟堂在北門外麒麟街乾隆十九年知府吳繩年捐建大小房屋十二間定以收養老婦四十名

育嬰堂在北門外草場坊乾隆十一年奉行建造大小房屋共二十七間收養濕嬰一百名

俱同上

以上三所乾隆四十九

年圯於水嘉慶元年高要知縣裴盛清建復

高要志

高要縣

縣署舊在府治東元至元間建明洪武二年知縣樓濬源增創九年知縣胡本道改建宣德七年知縣蕭進重建正統間知縣黎近縣丞朱釗主簿鮑宣相繼修葺嘉靖九年知縣胡

寅命三十四年知縣尹思各有拓建三十九年知縣尹鳴商

改前門道從左出形家病之

縣署伏府側麗譙下南薰門又直射其前土民以為不便乃蔽

以崇甍從左出

四十三年叅將移駐高州士民以其府可建縣知府

鄒光祚力主其議乃遷今所又益以倉地民地衛知事廳知

縣李守俊乃創建縣署及主簿縣丞典史署萬曆十六年知

縣蕭九章立題名碑崇正二年知縣張明熙捐建後樓未幾

燬於兵燹殆盡僅存後樓賓館

國朝順治八年知縣杜宗

鶴重修後樓造小堂於樓前聽政建東西建復官舍前建宅

門十四年知縣楊雍建增飾之顏其堂曰退思十七年知縣

王吉重建大門儀門大堂穿堂十八年築穿堂甬道建六曹

卷房康熙八年知縣王有芳大修并建縣丞典史宅

既通志大

堂三間大堂前為儀門三間儀門前為大門三間東西為班

房前爲照牆大堂後爲二堂三間二堂後爲三堂三堂後爲四堂四堂後爲住宅五間二堂東配房一間西配房一間三堂東爲書房二間書房東爲配房三間書房後爲廚房一間又書房之東爲配房五間三堂西爲配房三間配房之西又三間四堂東配房三間四堂西爲書房四間書房之西爲倉廩四座倉廩之前爲箭道後蓋箭亭一座箭亭兩傍新建碾房於乾隆二十三年知縣王永熙捐建大堂東爲庫房西爲倉房大堂外儀門內東西兩傍爲六房儀門外大門內東有古井井東爲土地祠一間西爲典史署署西爲刑房一間刑房前爲監房一座吳志嘉慶四年知縣張中行建甬道木坊書戒石箴十六年署知縣孫海觀修二十一年知縣陳聞炳拓建堂宇道光三年知縣韓際飛續修縣冊道光六年署縣葉承

基捐俸重建三堂

採訪

明隲光祚記畧縣治舊在府東偏一隅至元間創堂宇卑隘地辟燥濕前臨衝衢共突如矢乃崇墉蔽之曲仄取一門出入室伏府譙下旦夕鐘鼓鏗鏘大為形家所忌令至輒冷然心灰蠹以解去為幸上下沿陋今百餘年矣老子弟狃狃不釋或謂肇南粵扼塞嶽然巨鎮自韓襄毅公開行府而文武僚屬協然盛矣布列庶府皆宏麗甲於他郡何縣治獨蔽陋不稱具瞻若此豈所以敦本實降命脈哉予始與二三僚友圖還之適自湖吳公以司馬中丞來總兩廣軍經制控扼移嶺西參將鎮高涼檄下亟請其第改作於是父子弟不謀合計以府第降膝乞為縣治余乃聞於督府諸司成報允之經營而邑合蕭君棟至遂相與相基度址補欵成方遠邑之良者數人董匠事子每且必往督課一村一石皆手自度之圖經久焉始事於乙丑之正月迨冬十二月而工竣前為縣門極闊壯迤東建土地祠進為儀門為甬道兩翼置廊吏藏案牘上露臺始為大堂五楹高明爽塏大稱雄觀就東北焚石為廡甚堅西則耳房其後為仕宦堂左知縣衙前薄廳折而右為丞廳前典史幕後列吏舍綠以周垣垣之西則獄也百年之陞典通因之融望不期年而成猗歟盛哉邑令董合邑之大夫士庶以記請予謂今堂宇闕廓壯麗既儼然有以辨等威尊瞻視矣不知合茲者將何以恢業者之難締造之下交成之意而勃動其屏藩保障之心兢兢業業於艱難之中後士勤而益懋其久大維新之治固君子於廣居安宅之中後士

奎鮑付志

卷五

建

署

四

女於室家胥慶之樂俾人人安其所而樂其生直若是守之
若天則是役之興信吾民之大廈也守或藉是以謝譴於民
哉如或逸豫而輸淫僻而逞恃入而聚丞以下又皆豐蒞蔽
之是太守厲吾民以營意矣有不以之玷乎隆慶元年正月

縣丞署在金利墟舊在縣署左嘉慶二十一年巡撫董教增

奏准移建金利墟改爲分防金利縣丞將舊署變價添建

知縣陳聞炳就墟建署未竣圯於水道光二年知府李

澐知縣韓際飛縣丞孫澐捐俸重建

司案署嘉慶二十一年六月准兵部咨巡撫董教增等疏稱
高要縣屬金利墟地方居民稠密客商民船往來絡繹且與
高明四台三水清遠各縣連界實爲通邑扼要之區該處向
係橫查司巡檢管轄離巡檢衙署四十五里離附郡縣丞一
百一十三里均屬相去爲遠未免稽察難周自應專員駐劄
以資彈壓查縣屬縣丞向駐郡城專管水利并無別項承辦
事件若將縣丞衙署移駐金利改爲分防縣丞與金利墟尾
添設卡房十三間派弁帶兵三十五名分防駐守遇有賊匪
攻匪徒鬪毆賄博事件就近查拏解縣審辦如遇命盜案件
仍由縣往辦理似于巡查彈壓均屬得力該處三社基地方

有空地一段係黃姓檢地久未耕種該處井無防礙水道及民田廬基造建衙署應請將縣丞衙署移駐金利三社基地方將舊址估變價銀湊同建造

教諭署在學宮左道光五年署縣葉承基捐俸修

縣志

訓導署在學宮右嘉慶二十五年訓導招元傅捐俸修道光八年秋訓導林隆徽捐俸建造東廊花廳

祿步司巡檢署在城西八十里祿步墟舊在祿步都下村祿步寨明爲巡檢司洪武二十年巡檢朱銘遷於上村明末圯國朝乾隆年間遷治今所巡檢魯志鵬經始建署來遇信踵成之嘉慶二十年巡檢劉飭修

橫查司巡檢署在城東七十里橫查水口初治上半都明洪武二年遷此後圯嘉靖二十五年知府胡純重建崇正二年省八古耶司國朝順治九年題復乾隆年間署圯嘉慶元

年巡檢楊清泰重建道光二年巡檢張世通修

典史署在縣署頭門內西偏

俱同上

常平倉在縣堂西嘉慶二十一年知縣陳聞炳重葺

縣册

原預備倉凡六處一在府署西一在城東迎恩坊一在蓮塘
都祿村一在橫查都茶園岡一在上蒼步青玉岡一在城隍

廟右

縣志

肇豐倉在府署頭門外東偏舊有社倉三處其二在橫查司
署傍並圯廢其一乾隆二十一年以同知廢署改建嘉慶四
年改今名七年隸縣

縣庫在大堂左

監獄在縣署西分設女監

迎恩亭在城東門外臨江道光五年署縣葉承基捐俸築亭

前石路抵水次

俱同上

分防金利墟卡房十三間嘉慶二十一年添建

阮通志詳縣丞署

分防金利墟雙寶黃枝逕三處卡房嘉慶二十二年題准部

咨捐建

同上

養濟院在城北門外二里嘉慶二年署縣裴盛清添建

縣志

瘋院在城西門外隔江山麓屋十九間

同上

四會縣

萬壽宮在文明門外東南隅卽書院舊址乾隆四十八年恭

建知縣董文駒有記嘉慶二十年用公項并添捐銀重修

縣志

縣署在城南門舊四會尉司地宋元前規制不可考明洪武

二年知縣岳鎮創造永樂十一年知縣顏寶重修內增架閣

庫外增旌善申明二亭又於舍後構竹軒以爲游玩之所

侍讀

梁潛有記正統年知縣楊煥增建鼓樓嘉靖三十八年奉例裁減

縣丞一員知縣張文光乃徙主簿衙於廳之東其地增置六

房廳舍隆慶三年知縣劉順之置賓賓館於儀門之左後廳

舍頽圯萬曆三十一年知縣陳一元大加創飾易以高門建

陰陽學創羈候所寅賓館則撤建土地祠則修之古有戒碑

久淹沙坭中掘得之創亭如他郡縣大堂前新砌月臺堂柱

蛙者十之七易以新木夾以厚垣左右列二捲門左通贊政

右通駕庫駕庫向無今剏贊政亦更恢大之堂後西爲左藏

今移東堂後剏一堂視大堂稍遜顏之曰清慎勤旁剏一軒

曰仕學軒記東隅糧廳西隅丞衙今圯於茲建亭曰洗心

向無題名今伐石樹之碑記重修縣治記亦樹於此三十

三年知縣彭名世就大門外左旁爲小鼓樓門左空地建女

亭一座俾監犯不致混淆原儀門內戒石亭增三尺有奇圭
簿久缺衙宇坵墟 國朝康熙十二年知縣李復修建近山
亭一楹二十二年公署堂門各處日久傾欹知縣吳樹臣修
復經今百餘年中間收作修葺俱無可考道光元年四月署
知縣狄廷熊修飾西偏花廳連照牆升高一尺有奇十月知
縣伍鼎臣回任復加修葺後樓宅門甬道廚房照牆堂舍各
處現前面爲照牆左旁更館一所進此爲頭門連三間門內
左側爲土地祠連二間又進爲儀門連三間甬道中設戒石
亭兩旁爲六科房舍上爲大堂三間內爲宅門門房五間宅
門內大廳一座旁翼兩廊由右廊入爲廚房一間另住房三
間左廊內旁一間廊外一間又上爲二堂連三間堂西爲花
廳廳西幕舍共六間堂東房一間又三堂五間廊房各一又

四堂五間中三間樓三座以便登覽

縣志

明梁潛竹軒記進士顏大和爲令庶東之四會縣凡六七年
不他調因卽公宇之後爲軒而種竹焉少暇則退坐於軒中
蓋蕭然不知炎風瘴雨之爲煩毒也其高推動直超然獨立
之操若與此竹相忘於遐僻之邦而其凜然虚心寡慾之氣
驗人逸士所自負而高者將皆取而有之其爲可嘉豈流俗
之所能及哉子嘗爲令四會知其民之難治大者挾其氣以
乘小者負其忿以爭臨之以威而不勝其詐之售也撫之以
惠莫之施苟未能清心寡慾以臨之鮮有不至困者况望其
肆情於一軒如此其爲治又可知也夫和來京師因其友侍
講陳公果之求子文記其軒子嘗愛洪渙之詩所以託興於
榮竹者言君子學問之力自治之嚴道德之善也其末申之
以有斐君子終不可喧兮者言其有是君子之實而民之不
能忘也其寄意於竹皆君子成德之道大和其志於君子之
道者耶治一邑固不足以著其志然未有不和其志於君子之
大者大和有以愛其民安知其民之愛視其所好之竹不猶
視召伯所憇之甘棠也乎子不能忘于四會大和又告子以
其民有不忘于子者故爲書此碑以記其軒其民之秀而文
者諱子記庶幾有知子之情者耶陳一元四會縣題名碑
記陳子治緩之一載以告縣署未遑修史事於是訪故揆遺
得先治緩者若兩人篤於石從勝國前置弗錄尊時王也合
以下有丞有簿有尉沿革異而紀載一重佐理也鵠成申言

曰國家做古建官是喫緊無如郡邑長令三載計吏殿最之
甚月兩空監司使者有會有成下如編氓亦宜家春秋人班
孟所以名合者備矣乃身爲合者猶自援引古昔列名珉項
是於承承者也承於人因以傳於石還以徵於人之心共是
扶海亦一巖邑先是方智竊據大將軍廖以單檄底定之同
面革心沾濡向化久矣其先後合者如岳之詞荒闕味顏之
休養惠和楊之繕新更故功業所炳煥煥今猶瞻炙人口祀
春秋弗衰奈何當吾世而名泯沒之要以前之視今猶今之
視後龔休踵燬不容無望於後之人一元不佞承乏茲土才
不逮人心實慕古閉嘗掩曉今昔殊俗盛絀厚薄殊致勝國
以降新去湯火籍宜減矣而反得增宜承以還久荷寧謐籍
宜增矣而反得減則不能無訝於在事者之爲自版圖一割
於懷集再割於廣寧會已非昔之會矣重以兵火焚之水旱
困之稅餉疲之民遂浸浸向偷而庸且及骨若曰茲民也猶
之大扶氣空小負忿爭一切芟夷而蘊崇之不幾無餘乎語
曰不君爲吏視已成事又曰琴瑟不調必起而更張則用寬
寬得用嚴嚴辦際其時行其政各自有道已頃歲之不易洪
流爲梗去毛去舊籍十之三至厯兩臺監司長吏捐帑代之
亦時之適然有加後君子按圖責額不佞何所逃咎乎第以
牧養元元無負建官初意并無忝前君子雁行則一念或
可千古是役也昔也無今也創昔也簡今也詳昔也泯泯沒
沒今也章章皎皎討岳顏揚數君子於二百餘年之上而若
且暮則余誠無辭於知我罪我雖然余不佞終不能掩不美

名聽後人彈射矣所
爲記刻石之意如此

教諭訓導署俱在明倫堂右吳志

南津巡檢司署舊在城東四十里黃岡村明洪武十七年知縣黃敬止具奏移馬山都南津水口去縣六十里設一官一吏弓兵原一百名後減至十三名管木棉半鋪萬歷三十二年知縣彭名世憫其衝疲詳請以賀岡向化村尾大沙區地五鋪益之今署在村尾大沙墟縣志

典史署在頭門內東偏

倉廩共十五間署外東北隅倉地一區建倉十間署內東偏一連五間

庫房在署內大堂西偏一間

監獄在署頭門內西偏一座四間內監一間外監一間貼內

西偏女監一間貼東外邊女監一間

俱同上

肇慶協轄四會營都司署在縣治東舊爲嶺西道行署明洪武八年建 國朝康熙五年守備程邦雋借爲城守解署雍正十年改都司嘉慶十八年重修

阮通志

軍裝庫在都司署西偏

火藥局在縣城內北門俱康熙四十九年建嘉慶十九年修養濟院在北門外一里

俱同上

新興縣

萬壽宮舊在北街龍興寺左乾隆四十三年知縣洪煦改於十字街恭建五十四年知縣馮漢蛟以地低窪申請復建於龍興寺左

阮通志

縣署即古新州舊址明洪武二年縣丞孫守正創建正統四

年雷晏重修天順七年燬於寇成化五年知縣唐京署知縣陳叔冕重建嘉靖二十四年知縣褚東山增修廡宇二十六年知縣姚階三十八年周崑隆慶五年鄧應平萬歷十二年趙德懋十七年張一棟十八年涂相先後各有增建 國朝

康熙二年知縣李雄飛重建大堂二堂三堂主樓

雄飛有記

八年

知縣李長慶二十五年徐煌二十六年署知縣康善述典史

高爲光各修建乾隆十三年知縣楊元敬十八年劉芳重修

五十年知縣胡昌暘詳准修葺嘉慶四年知縣楊元藻詳准

捐修十六年颶風折樹大堂吏舍被壓坍塌知縣吳文照捐

修十七年復捐修衙署及鐘鼓樓

阮通志

道光三年知縣喻崇

勳修理二堂及花廳

冊

大堂三間前爲儀門爲大門又前爲

鼓樓前爲謳歌亭又前爲照牆大堂左爲庫有樓又左爲東

廳有倉前爲典史宅堂又有倉又右爲稅畝册房再右爲監
獄前有塘一口曰倉塘大堂前兩廊爲六房辦事之所儀門
前左右爲三班差役聽事之所頭門前左爲土地祠右爲常
平倉鼓樓前左右爲知過亭又前爲旌善申明亭大堂後二
堂三間左書房一間書房後爲豐樂樓左曰榴花軒二堂右
爲挹翠軒軒前爲倉二堂後三堂五間左爲廚房右爲耳房
三堂後住宅五間主樓原名作新樓後改爲障瘴樓樓後爲
園園後有山山上廟三間中祀 關帝左右祀觀音真武吳志

宋張切原新州郡守續題名記郡方千里古公侯分封之國

也民之師帥事體不爲不重秩二千石祿賦不爲不優表選

治績陟明委途寵遇且甚泥曳組佩印清白以承休德跬步

雲霄新昌固小俗朴事簡郡計不虛不盈蒞絲保障知所擇

術上不負聖天子下不負所學紳有餘裕矣皇祐壁記云去

是多顯貴信矣然慶元以來迄今僅餘周星入侍清光出秉

玉節接踵者數公直上橫飛未有盛於此時也或謂山川之

靈則何新於昔而豐於今獨不見莘之耕渭之釣一旦投竿

卷五 建邑 廡署 四七

其役之成又喜民之可以理論而不勞力也敬用識之以冀後之來者一日必葺云

明李義壯新興縣題名記君子之爲政也非求慕乎其爲實之所積而後名斯稱焉苟徒冒乎其名而不求其所以爲

之實則所慕於文爲者以飾乎人之視聽而政斯蹟民斯靈治所由以靡靡也故曰君子疾沒世而名不稱焉非以求

乎其名也惟恐其名之不稱而二年合丞簿尉不書前人名與縣自朝開治以迄於今二百年合丞簿尉不書前人名

氏嘉靖四十年杭州東島周君來爲其令惠困窮抑豪縱守正循理得行其志政成之暇因考次程希灝以下凡爲合

者三十六人丞簿尉以下共八十九人并其行政之歲時將以伐石序書鏡之東壁而屬予記之予謂基天下之治者民

視天下之民者法也守天下之法者吏也丞簿尉也尉者親民之吏也蓋其名也令者合也丞者丞也簿者簿也尉者

尉也皆所以守法而馭民者則莫馭有民而莫馭則令不稱其合守有法而莫守則有民而莫馭則令不稱其合

而丞簿尉不稱其丞簿尉雖阡陌閭巷之細民猶能逞其胸臆以與上爭是非而放其無窮之欲非必貴強桀大而後然

也將何以稱其名而爲民之父母哉故善識天下之勢者惟擇守法之吏而任之以馭其民雖上古堯舜猶不能不以此爲

先務況於今日之紛紛乎所謂法者非有他術也一寬一猛以相濟而已猛而不盡善良鏡而不長姦究所爲天下之法也願爲吏者力行如何耳今鏡之東壁者何若是其濟濟也

不知善於守法以馭民而克稱乎其名者幾人匪予所知也
又不知不善於守法以害民而濫冒乎其名者幾人亦非予
所知也惟其善也雖百世之下見其名焉有不仰而慕之者
乎惟其不善也雖百世之下見其名焉有不誦而讓之者乎
一善一不善而皆具載於一碑所謂善惡不嫌同辭而勸懲
之意歟矣周君此舉雖於常之褒鼎象之鑄何以加諸後之
爲政者欲論其世知其人以法馭民之方則其人之賢不肖與
見於今者而考其所以守法馭民之方則其人之賢不肖與
世之治否吾可以坐而得矣此皆周君之志也君名崑字
維瞻別號東崑浙江仁和人今方爲潁州知州尙未艾云

教諭署舊在尊經閣之西日久傾頽今寄住於尊經閣內左

右房屋六間其尊經閣係邑進士張聰讓地一畝二分添建

吳志嘉慶二十二年將舊明倫堂改建學署

阮通志

訓導署舊在明倫堂之東日久傾頽嗣移住於城之東筠城

義學乾隆初年義學亦頽今寄住於聖廟西邊文武宮

其文武宮係乾隆十四年知縣楊元敬倡建

吳志

嘉慶二十

二年因舊址重建

阮通志

立將司巡檢署在城西八十里天堂地方大堂三間前爲儀

門爲大門後爲住宅

吳志

典史署在縣署儀門外左大堂三間前爲儀門爲大門後爲

住宅左爲書房

同上

常平倉在縣署儀門外

阮通志

北倉在縣署內舊在北門久經頽圮嘉慶十八年知縣吳文

照詳以署內東西餘地建復

縣庫在大堂左

俱同上

監獄在縣署右

縣志

肇慶協分防城守署在縣治東卽古新興縣舊址後改爲嶺

西道署今爲城守署

阮通志

大堂三間川堂三間左右廂房二

間前爲儀門爲大門堂後正廳三間左右小房各一間

吳志

羅定協右營都司署在新興縣獨榕地方原駐河頭乾隆六

年題准移駐獨榕動項建造衙署五十年重修

阮通志

河頭兵房四十間

獨榕兵房一百二十八間俱雍正九年建嘉慶二十三年重

修

獨榕兵房八十八間乾隆四年改造嘉慶二十三年修

軍裝庫在營旁乾隆二十五年建嘉慶十五年修

火藥局在營旁乾隆二十三年建嘉慶十四年修

養濟院在南門外雍正十三年建

俱同上

陽春縣

萬壽宮在縣泊右乾隆二十九年知縣李學禮倡紳士敬謹

捐建

阮通志

縣署在城正中創建歲月無考宋皇祐二年知州薛利和重修有記明洪武元年知縣黃景明復修永樂元年主簿江源重建正廳四楹廳後有堂花廳在正廳之左耳房在正廳之右正統四年知縣宋啟增置申明旌善二亭在大門外又置榜樓於前景泰五年知縣李福海修正間儀門及東西司房成化九年知縣邱祥重建鼓樓及儀門宏治十五年燬於寇嘉靖四年署縣事本府通判黃寬仍故址深三十五丈廣四十一丈重建正堂後堂各三間東西吏房二十間庫房一間右爲龍亭庫二門外爲譙樓爲土地祠又堂之東前建知縣衙舍後建典史衙舍各三座吏舍七座餘俱修葺久皆頽壞嘉靖三十三年知縣謝復生重建官廳茶亭後廳廂房又典史衙前堂後廳各一座獄房低濕填而高之砌以磚石鋪以

木板添置獄正廳一座東西房各二間

吳志

隆慶間知縣熊烈

以典史衙不應在縣令署之上乃移入居之以前縣衙宇爲

典史廨舍萬曆十一年知縣黃憲清以庫房後庫樓久塌復

架樓一座上儲冊籍明末兵燹之後鞠爲茂草

縣志

國朝康

熙十二年知縣張含瑾捐俸修二十六年知縣康善述捐俸

修大堂後堂三十七年知縣楊良在大堂之左重修幕廳三

間顏曰攬秀建造大堂兩傍六曹吏舍十二間乾隆十年知

縣董宗德捐修拱亭一座十八年知縣葉世度修葺獄房圍

牆增高三尺二十一年儀門東西角門朽爛知縣姜山捐俸

修葺照牆低狹不稱又加高二尺濶三尺二十二年頭門樓

閣朽爛又捐俸修葺花廳三間前有榕樹一株數百年物

吳志

五十一年知縣郎煜奎捐廉重修花廳六十年縣署大堂塌

於風嘉慶七年儀門圯知縣劉子揚彭昭麟先後捐廉修復

二十五年知縣陳懷彥將署內重修縣志道光九年儀門圯知

縣黃定宜重建

採訪

明吳守貞重修陽春軒堂並建後堂記署陽春縣治圯敝有
年閣今亦廢矣歲乙丑十一月石亭許侯來知縣事始下車
履政事之堂則見其棟宇傾頹成朽且蠹焉入室則見其後
堂之軒楹樓壁傾頹無存焉既而周覽左右縱觀前後則又
見其儲財之庫謹禮之門胥役之舍贊政之廳土主之祠申
明旌善二亭皆已蠹敗剝落有不可一朝居者乃蹙然曰縣
堂政令之所出而有眾之所具瞻也圯敝若此匪惟民罔攸
瞻且將覆壓是懼尙可因循爲哉遂銳然以修葺爲己任已
而又曰夫堂者官之依也是以聖王之取世必先寧民而後
卽安焉吾之滋茲土也一政之未敷而寸澤之未究民尙未
有寧宇吾安有於堂於是布德施惠軫恤隱剔蠹釐奸興
利祛弊亟進父老問民疾苦有不便者悉與更始時值西山
龐湖二蠻作梗民甚病之侯乃開誠撫諭俾之復業蠻悉傾
心向化境內晏然民乃大悅侯日可矣於是計資徵財鳩工
飭匠築日興事於堂易舊以新而葺治之於後堂則闢其荒
蕪而鼎建之又益以川堂若干楹以屬於堂爲延賓之所至
於庫房儀門更屢募廳神祠二亭亦皆以次興造百手偕作
旬日而成計工若干計金一百有奇經始於丙寅暮春之望

落成於是歲孟冬之朔廢費取諸賄金而益以俸厥役取之
 靡舉而固勤民不淹時而縣治燦然改觀矣夫以數十年廢
 墜而一旦維新於指顧之間若有不勞餘力者侯之器識才
 智其過人不亦遠乎侯閩之晉江人由鄉進士滋茲任諱宗
 不字大損石亭其別號也王仰重建陽春縣堂分司學門
 坊館亭樓菜記畧陽春縣為古春州環山遠林襟岩帶洞徭
 氓錯落劍積襟襟處斯棘柢區也明興隸於肇慶聖化字洽賢
 合撫該迄于今風氣開人文著朝誦暮習人士彬彬即方之
 中士昂遊焉以故綰綬而至者輒為嶺表稱最萬應庚寅西
 蜀秦君林檄茲土里甲不擾政令無苛一切吏事凜凜然揚
 為銳意作新而勞民以力役弗忍也乃捐俸錢若干緡益
 以贖刑之金為修葺費故者飭閭者興斷者聖者笑者藻犁
 然而羣工畢集曾不逾年咸改觀焉比余奉公春境則見田
 野沃饒山川翳秀人民麗都心竊嘉之士夫父老欣然謂予
 為記以講之石余不獲辭乃言曰秦侯政孚于民福庇於邑
 豈徒為是粉飾炫耀哉彼其行智則飾縣宇則飾人居尊而
 莊以禮也賓館必修儒門必修儼見賓而隆作人也至于嚴
 更漏重表揚則鼓樓牌坊以次修葺昔陶靖節辛彭澤張忠
 定合崇陽更置不知其幾而循良譽迄今不替誠重之也夫
 移風易俗悉自恤民在士中出涵濡漸染儒者遵孔孟賈者
 效陶朱教化浹洽民生殷阜熙熙怡怡有不知其自者乎區
 區管版之政猶其小焉者耳秦君名劉
 允別號麟臺壬午鄉進士西粵馬平人

教諭署在明倫堂左二進雍正八年後教諭陳世蓮於署左

上下各建房舍南向二間北向二間今止存南向二間東旁

園地一所小池一口

吳志

乾隆六十年造西廂房二間嘉慶十

八年重建後堂三間並東西兩廊新造東廂房二間餘俱完

葺縣志

訓導署在明倫堂右二進康熙四十二年訓導朱天保重修

署左客廳三間久俱傾壞乾隆二十三年訓導阮天材又於

後道新建一座二間旁有小門通明倫堂外爲園地傍尊經

閣枕康公書院另小塘一口

吳志

四十五年訓導蘇振權捐俸

修前堂三間嘉慶二十二年訓導陸樹莫以齋舍剝落捐貲

平基建造凡三進每進三間

縣志

古良司巡檢署舊在城西二十里後移南鄉都水口雍正九

年巡檢王道興領帑建造乾隆二十三年巡檢金國秀添建

大堂土地祠班房書房嘉慶二十四年巡檢蔣國華修阮通志

黃泥灣巡檢司署原於雍正十二年奉准添設衙署乾隆元

年巡檢張宏舒領帑建造知縣姜山以地處衝要於二十一

年捐俸在署內建造書房三間二十三年巡檢王璋捐俸增

建住房同上

典史署在縣二門東嘉靖四年署縣事黃寬建三十二年知

縣謝復生又爲建前堂後廳左右廂房二間 國朝乾隆二

十三年典史李沼捐俸修葺吳志嘉慶十二年典史戎斌十五

年白龍章各捐修阮通志二十三年白龍章捐修土地祠縣志

際留倉在縣東南隅

預備倉在縣治儀門外之右現與際留倉并而爲一更名常

平倉

俱同上

在東城內德澤坊

阮通志

道光九年被風塌知縣黃

定宜修復

採訪冊

新倉在奉裁所衙嘉慶二十二年知縣張桂森於後墻東西

各建三廩合常平倉共廩三十二間

縣志

社倉各堡共二十三處

同上

縣庫在大堂左

阮通志

監獄在縣署頭門內西偏男監四女監一

縣志

肇慶協轄陽春營守備署在西城內乾隆三十年守備繆鍾

華重修

原陽江協左營守備分防陽春縣衙署久傾嘉慶十六年區分水陸寨內改爲陸路陽春營詳請修葺衙署并添建軍裝火藥庫嘉慶十九

年守備蘇洪領項重修阮通志

官亭在西門外河埠雍正十二年知縣王秉運捐俸建乾隆

八年知縣董宗德修二十二年知縣姜山捐建牌樓

縣志

行臺在郡且河旁乾隆二十年監生陳宏士捐貲建三進其

地爲民人鄒集璜章宏公捐

縣志

軍裝庫 火藥局俱在城內嘉慶十九年建

院通志

養濟院在西門外

同上

陽江縣

縣署舊在城內西南隅唐貞觀間創

院通志

在羅山左麓卽舊

布政分司署縣之舊署在西門內卽察院行臺是也明洪武

中知縣張翼縣丞王景哲重修十三年縣丞李本建正堂幕

廳六房儀門大門鼓樓官衙吏廨旌善申明二亭正統己丑

燬於寇天順間知縣黃健重修七年又爲寇燬知縣姚鳳建

復嘉靖間知縣吳煥章重建隆慶四年知縣王仲以舊治卑

濕始移今址中爲正堂左右六房堂左爲幕廳右爲儀仗庫

東北爲耳房庫爲吏舍西南爲架閣庫堂後爲內宅萬厯四
年知縣陳嘉謨添建正堂三間七年重建衙宇以儀門爲鼓
樓樓左爲縣丞主簿典史宅戒石亭在甬道大門內右爲土
地祠前爲預備倉門外左旌善亭右申明亭監房在縣前街
西南萬厯九年知縣童環於大門內右建廣有倉倉北爲賓
賓館十五年鼓樓土地祠爲颶風飄毀知縣宋良木改建

賓館院通志今鼓樓賓館戒石旌善申明諸亭並廢倉亦改

賓館

院通志

今鼓樓賓館戒石旌善申明諸亭並廢倉亦改

建縣丞移駐雙魚城主簿汰惟典史署及監房仍舊址耳按
今之制居中大堂三楹左庫右儀仗儀門內甬道兩旁爲十
房吏解儀門五間東西角門外建土地祠西向頭門五間左
右皂役班房大堂後爲二堂三楹左右爲幕館爲客廳東院

倉三間西院倉九間二堂後三楹爲三堂左廚舍右茶房內宅九間盡山障於後院圍墻繚焉牆內左關帝廟右鼉山土神廟西北隅木棉一株傳爲宋時所遺植云縣志道光四年知

縣杜念曾修

採訪册

縣丞署原在縣署大門左萬曆七年建康熙六年裁缺署廢雍正八年復設移駐雙魚所城阮通志

教諭署在明倫堂後

縣志

訓導署在尊經閣內俱於嘉慶六年修建

太平司巡檢署在縣西一百二十里太平城內原驛丞署雍正八年改驛爲巡檢司

海陵司署海陵司設於雍正九年並無衙署惟僦民房居之乾隆三十年巡檢沈開周始建置糞澳乾隆五十年後澳

中舖戶畏洋匪燒劫散去署廢嘉慶五年巡檢楊永寧募金
建署於開坡澳十一年烏中人復爲巡檢宋玉龍添建頭門
照牆

典史署在縣大門左乾隆元年典史陶垣修嘉慶二十年典
史宋雲鴻重修

雙恩場委員舊設大使公署在縣東南卽舊海防廳公署

按場

署今在
儒桐

康熙三年奉裁雍正十年復設乾隆十年場使袁涵

重修嗣裁大使缺委員代之署亦尋廢今僦民房居焉

俱同上

常平倉在縣西康熙二十九年知縣范士瑾奉建

阮通志

屯倉在縣署內雍正十一年知縣趙之蘭奉建

俊秀穀倉在縣署內西邊乾隆五年知縣孔傳焯奉建九年

知縣莊大忠增建

俱同上

嘉慶二十年知縣吳自求重修

縣志

縣庫在大堂左

阮通志

監獄在縣前街分南北二監另一所女監

吳志

稅課局在西門外石覺寺右康熙二十四年粵海關立局以

抽貨稅凡往來舟楫必查

同上

陽江鎮水師左營中軍總兵署在城內原春江協副將署嘉

慶十五年改

鎮標中軍左營游擊署在城內原協標中軍都司署嘉慶十

五年改

守備署原協標右營守備分防雙魚城嘉慶十五年改爲鎮

標左營守備撤回陽江縣城建造衙署

右營千總署原協標防陽江縣千總署

軍裝庫在守備署

火藥局在城北

並阮通志

太平行署一所在太平城內乾隆十年生員陳玉桂捐屋爲行署奉憲給匾獎勵後倒塌遂廢今卽太平書院修改行署

縣志

白子行署一所在城西一百八十里久廢嘉慶二十三年知

縣李應均倡捐修復

茶亭行署一所在城西八十里久圯嘉慶二十三年知縣李

應均倡捐修復

俱同上

養濟院在城內宣化坊

阮通志

高明縣

縣署在城內青玉山麓明成化中知府李燧知縣唐簡創建正堂一座三間兩掖各一間嘉靖七年知縣陳城修并建幕

廳三間及廂房儀仗庫六房二十七年知縣陳富春修葺添

建川堂一座三十五年知縣徐純重修添建捲蓬一座吳志崇

正二年知縣鄒應期鼎新大門立譙樓於左右縣志國朝順

治十八年知縣盧象開縣志作重修康熙六年知縣魯傑添

建小房三十三間亭一間二十二年知縣于學增修吳志二十

六年于學捐俸重建旌善申明二亭縣志嘉慶十六年知縣余

保純改建十七年修東廳十八年知縣全卜年修西倉二十

一年知縣張克振捐修大堂前甬道阮通志

明徐純重修縣解舍記余拜命高明初入疆父老輩相率誦

日敵邑地僻居山谷界新恩之間向爲盜區侵掠兵火膏血

草野左右鮮蓋蔽民無固志朝夕唯通徒是計鯨鯢然無所

依命者已五六十年矣余惻然愀然者久之迨入郭內外山倚

坐茶城夷堞堙編戶頽落官司公署飄瓦露椽垣墉草棘幾

不可縣矣噫廢墜於茲極矣幹蠱之任茲其時矣然民可樂

成難與慮始一旦率之勉力輸其飾其盡壞是謂治絲而芬

若憚於更張唯守故習陋是謂膠柱而調均非予志遂請監

樞司府咸可所盡首申保甲建鄉約選勇夫等諸款以賦
隱類頗有條乃請公帑以結城池而於縣治學宮等諸所當
修者皆出本職職司不足則捐薄俸未嘗動官一錢勤民一
力其所度支經費悉委諸役弗躬出納職唯區畫規制而已
具載卷牒可考也適今次第舉工已告成亦庶幾因仍紛
飾少助文明之觀焉耳謹將修葺衙門等工費咸鳩於石嗣
而治者益張而大之有志之士或可以諒
余之衷而宥改作之嫌也時庚寅八月

教諭署原在

聖殿西教諭李士文遷於戟門左前後二進

各五間知縣陳坡徐純修萬曆四十八年知縣陳京璧教諭
全稟中修崇正八年教諭余奕黃修 國朝順治八年教諭

王孫樞重建三進各三間扁曰玉堂外署

縣志

訓導署在殿堂西前後二進各五間訓導蔡龍改建

同上

按吳志通志俱因縣志蕪雜以致誤將學宮爲學署
茲據鄭際泰修儒學記更正

三洲司巡檢署在三洲埠頭舊爲太平司署在太平都明時

建於都合汛又遷臺山寺又遷石奇村久圯今改建

阮通志

典史署在縣署幕廳左二進各三間東西耳房各一間知縣陳坡建明季燬於兵 國朝康熙二十三年知縣于學重建

三進各三間

吳志

常平倉舊名存留倉三間在縣署西耳房側康熙二十九年

知縣于學建

縣志

社倉在南門內

阮通志

縣庫在大堂左

同上

獄舍在儀門西七間知縣徐純設女監一間 國朝順治十

八年知縣盧開象重修

縣志

分防武職署在城中

阮通志

分防分水逕合水墟企嶺逕石泉逕四處卡房嘉慶二十二

年題准部咨捐建

養濟院在城北半里嘉慶二年知縣瞿雲魁捐修

普濟堂 育英堂俱在東門外乾隆三十八年知縣霍儀泰

建俱同上

恩平縣

萬壽宮在城外東北隅乾隆二十八年知縣曾夢率眾捐建

嘉慶十九年知縣金錫鬯重修

縣志

縣署舊恩平堡宋爲南恩州署久廢明成化十六年僉事陶

魯知府李燧創建嘉靖三十三年知縣馮仲芳修建移庫於

堂東改幕廳於堂西三十九年李河圖萬厯十三年姚化中

先後各有增建明季燬於兵寇蕩然無存官吏寄居四頭寨

者二十餘年 國朝康熙十五年知縣程學灝奉檄歸正乃

就故衙遺址編茅以居二十六年知縣佟世男捐俸建復悉

仍舊制

阮通志

乾隆十四年衙舍大半傾圮知縣繆錦詳請重

修

阮通志

乾隆二十三年知縣張安世增修

阮通志

二十八年後衙

圯知縣曾夢建復後堂及左右廂內書房及二堂皆添葢捲

棚現在置署中爲聽事堂前爲露臺爲甬道爲儀門爲大門

大門外爲照牆堂左爲儀仗庫右爲銀庫房兩旁爲吏廨甬

道兩旁爲皂房儀門右爲監房共六間三間爲內監三間爲

外監一間爲女監大門內東偏爲土地祠堂後爲內宅中爲

思補堂凡五間左爲外書房再左爲廚房堂前樹以塞門門

左右爲廂房堂右折爲西書房凡兩進皆有右廂而缺其左

書房前爲羣房通於常平倉堂後爲內宅門爲後堂堂左右

皆廂房地雖隘規模亦已粗具矣嘉慶十二年知縣屈澤霖

修葺十八年知縣金錫鬯修葺

縣志

明徐鶴修恩平縣治記畧恩平為山邑而界乎新春隸肇慶
梗戾之民巧于避匿無故而殿之以力役若就桎梏然徯民
之貲以營公室民有藉藉不受命至訐其長上而不可免者甚
矣思民不可以易使也歲已未金陵李河圍白黃陂量移
宰共邑越明年霍雨洩旬吏無寧宇棟撓之既幾不可免李
子銳意改作致忘勞瘁請于郡郡可之請于監司監司可之
於是飭材用徵胥徒密勞授規不愆於度構政事堂左儀仗
庫右贊政廳其諸內庖別館各有倫次崇高修廣成與維新
民信其不待已而改也厥厥然相與變其梗戾爭率而赴之
恐或後然後知難使之民心誠撫之未始不可藉其力也是
役也始於辛酉元

且至午日而竣事

國朝沈志禮重修恩平縣治記恩平縣古南恩州舊境也自
明洪武初廢州迄至成化間土賊竊發副使毛公吉被禍于
雲岫山嗣而僉事陶公魯始立恩平堡築堡城夫分土設官
如治室然前設門廊次第廳事旁立輔室後則寢宮邊置廨
宇斯成巨闕其間圍臺榭量地布置設若有隙地而棄之
聽其荒烟蔓草其不為鼯鼠之所棲蛇虺之所穴乎思以葺
山邊海之區以地并入陽江棄之若曠土是聽聽鼠蛇虺為
棲穴矣故即于成化十五年就堡城而立縣此亦理勢之當
然也當時立縣共縣治學官俱經建設乃歷經土賊蘇萬里
梁明蔡猛三數十輩倡亂相仍直至明末百餘年無寧日崇
奎恩子云

奎恩子云

建置

五

正癸未知縣鍾彥綱招撫賊吳亞大岑舜覺等甲申知縣陳
兆棠又招撫賊王興徐守備劉與講鈞禮時民間謠曰讀書
民婦獨善然而知縣遜居蓮塘村嗟嗟常讀周本紀每咎
宣王之不西而東也為計之失而不知其不得已乎先是賊
發亦即剿滅自二合開招撫之例賊大得志民不戢官而奉
賊亦無民不賊矣嗚呼明運將終王法凌替馴至斯也我
朝戡定百粵至順治十五年而王興滅然思民已無子遺
故令此土者視民之無家室寧已思安朝夕乎視民之痛痲
涼寧已思寢衽席乎披風戴雨撫字催科前令如鄒如左亦
夏矣乎生聚教訓之為勞也
今上二十有二年三韓終子來令是邑英才發越治三載政
有聲捐資興建以人才之當鼓舞也先新崇宮以臨民之當
嚴肅也次建廳事漸復成化之舊迹今戊辰夏五縣治落成
而請記于余余應之曰善哉子之治邑也子令是邑資俸富
老乃汲汲修德治而思民之誦子者什百如一向之無子
遺今則流移盡復田畝盡開賊盜屏息善哉子之治邑也余
又為進之日治民亦如治室然經營量度它材鳩工而修棟
飛甍叢楹極宇楹無非欲納其明以答陽而蒞民且啟聰以達
聰立閣以開雅階城除埃成務絕其蔽而除其穢總求其明
也而已今思雖小環三百里邑令為
天子命吏子之蒞之也以己之明措於民事施於政令而聰
無不達邪無不聞左右近習不得蔽豪滑奸宄無不除今而
後思之四境弦歌誦誦將日盈于耳善哉子之治邑也子將

秩滿而磨籠
擢于跋余望之

訓導署在縣治西明成化十六年建後燬於兵 國朝康熙

二十六年復建乾隆二十年訓導謝祖錫重修嘉慶十九年

邑人遷建於文廟右一連三進後爲宅舍中爲大堂前爲頭

門門外有照牆

縣志

典史署舊在縣署右後遷於左康熙六十年典史黃槐復遷

於常平倉之右乾隆二十七年典史王漢建大堂堂前爲大

門門左爲土地祠門外西偏爲號房堂左右廂爲書辦房堂

後爲典史宅中爲堂左右爲書房後爲後衙四十九年典史

孫良謬修嘉慶十九年典史孫鴻遠修

同上

常平倉在儀門內西偏雍正十二年重修乾隆六年十年十

四年二十七年各知縣相繼增修

阮通志

社倉八所

縣庫在大堂右

監獄在儀門右內監三間外監三間舊有女監一間今廢

縣志

肇慶協轄那扶營都司署在肇慶府南三百七十里那扶營城坐落恩平及廣州府新寧縣交界地方康熙元年建乾隆

三十六年修

附通志

城守署在城內東南隅順治五年建乾隆二十年修

軍裝庫 火藥局俱在本營城內康熙元年建嘉慶二十一

年修

俱同上

養濟院在東門外北隅明萬曆十五年知縣蔡標建後爲賊

焚 國朝雍正十三年知縣袁心頤建復嘉慶元年知縣馬

元英二十四年知縣鄧必蒸前後重修

縣志

育嬰堂在城外東北隅乾隆三十七年知縣李文藻捐廉率眾建設二座三間兩廊兩房嘉慶七年知縣吳文楊修復瘋院在東門外乾隆三年建九年水冲毀二十六年知縣邱廷澗修復俱同上

廣寧縣

萬壽宮在南門外福壽寺前雍正九年知縣邱光任建縣志

縣原隸四會明嘉靖三十八年詔立廣寧縣將四會分割十

一圖於潭圃立爲縣治縣志縣署在城內西北明嘉靖四十年

建原建逼近南門形家以爲不利改稍西北福星山下阮通志

中置正堂旁爲幕廳爲儀仗庫東西廊爲六房堂後中爲縣

宅堂前爲露臺爲甬道又前爲儀門外建譙樓左爲土地祠

右爲捕廳前爲監房外有申明旌善二亭萬曆八年知縣黃

南金建迎賓館於大門內後圯其地改作倉 國朝康熙十

六年大門圯壞知縣饒英修建康熙二十三年知縣黃金從

修建儀門

阮通

嘉慶四年知縣李樹萱詳請修葺

阮通

明黃南金縣事記畧黃子合廣寧以萬厯八年秋八月也邑

議建於嘉靖三十有七年越二年韋君弁始視篆事迄今近

三紀矣黃子蒞其地境邑蕭然詢往牒暨歷任羣公氏籍鮮

有核其詳者曩以公署爲投荒之區又堪輿弗利率借別寓

以故廢者未舉舉者若廢先是六年陳君載熙甫入城華故

基新公署居焉募靈贖舍以及庫獄一如其式經畫方勤無

何而歸志決黃子承乏于後鯉鯉懼有加按城垣廣三百三

十丈高一丈七尺敵樓一城門三營鋪十有一雉堞四百八

十有四涉者增之圯者修之曰此可以守矣復躬詣黃沙企

岡花山得勝四大營察故疆形勝稽額二百有奇禁虛冒汰

老弱振清遠之吭拊懷集之背固新附之黨制寇嗣之眾日

此可爲援矣于是改福壽寺以專崇祀修濬序以萃師徒擴

觀風堂以備巡閱演武場以時訓練料弁率築營遷居以

承協鎮令其大者如請命定版秉節制置之始末均勒諸石

爰昭耳目而垂不朽次則計十一里正附戶籍丁六千糧入

千四百各有奇痛其賊累逃亡推其禍本申定戶籍之催收

正籍之里甲遠近強弱大畧相當邑人稱便上請乞爲成規

今亦刊布畫一俾曉然世共守之次則儀門之東見賓承祭

合爲一館。蓋求好善於爲政。推事神以治民。固庶務所先不。容後建城隍廟。移山川社稷壇。以安神靈。城隍廟側設社學。以課童蒙。創賢宦二祠。附於文廟。以旌祀往哲。而待后之君。子豎典賢。歸將二坊於通衢。庶青衿之士。甲冑之夫。爭磨濯。以效明時。扁敵樓曰無敵。示得道多助之意也。扁三城門。南曰來會。以道發四會。寓悅近遠來之意也。東曰長春。以道通永義。寓長效歸仁之意也。西北合曰良城。以門舊爲一考之。崗以良居西北。有成終成始之義也。是或舉其未備。或備其已廢。費不侵帑。役不妨農。其成之各以年月次第。不可無紀。故借勸堂左叙諸營。建於前核諸民籍於後。而又虛其後於。首云。

教諭署在縣署東南

縣志

訓導署在明倫堂之右

典史署在縣署右

常平倉在舊義學之後。知縣黃金從捐建。東倉康熙三十二年。知縣竊堯采捐建。西倉乾隆十一年。知縣李本潔以縣署南舊義學地增置。常平倉厥嘉慶二十二年。知縣王廷棟在

縣西南增建廣阜倉道光三年知縣黃思藻在常平倉前增

建慶登倉

俱同上

國朝黃金從新倉記畧古開郡置邑先建倉庫益厚生正德時列三事凡以既富方穀備儲待而豐邦本也邑舊有常平其西爲民倉兵燹之餘蓄貯空匱歷年既多并毀折而空之近城守奉裁分防者苦於露宿暫借棲焉前弁遂併西陬而有之里民歷控叠奉上檄清還而盤踞已久勢難動搖民與兵莫能角競今

聖天子軫念荒匱加意積貯通行郡國特廣酌捐之例邑弟子員與生儒之俊秀皆得輸穀而急公焉念邑蓋藏不可以不飭而舊庾又難以開復乃於義學之後度地定基經之營之時而爲二分其腐也列之以四盡其數也砌磚尺咫羣其基也版隸於楨實其幹也去地三尺防其潮也版拳四翼通其息也徵有曠者卜築之日肇於方向落成之基阻於地勢設庾伊先構堂伊後臂指之小大主從之崇庳於予心猶以爲憾工程孔亟未能改造尙望後之賢能官斯土者究度而匡余所不逮也夫甯堯采常平倉記畧常平之名起自西漢耿壽昌益徵李愔平糶之法以便民者也歷代相因至今不廢率之設有此倉也舊矣地在縣署南而社倉附麗其西非傾廢無存也烏用建前令嘗一建矣烏用再建緣兵燹後官儲闕如第鍊空厰自城守裁歸會寧原署奉憲撥還民居閱數年另設汛員爾時當事者不爲長久計權借此爲駐節

之所迨久而安焉而樓駁門和兩倉遂同營署其勢固難轉
動矣此前合黃公所以別建也但追義學後秋陷踣雖因
當時儲少而亦地勢使然與余守土以來捐輸罰贖穀數倍
昔近復奉部移署陽江四千石新倉旣難增闢而汛駐舊倉
前合已奠之問今更安得而闢之則余之別建又不容已也
相視倉廩捐置民基一畝高其城牆而厚其弱戶正堂外左
右列楹廡版若干間自經始至訖工籌度指畫蓋亦幾費心
手矣夫倉廩之建原以爲民也考諸古制百里社有倉擇鄉賢
達一人主之豐則斂而散則散偶有災岐百姓持以無恐自
各鄉社倉廢不復設仰設亦僅存其名於邑無多濟也其爲
公私取給廣蓄積而戒備不虞者獨有宿平耳嗚呼蓋
其重也余故書此志石用以自警且爲淹余者告焉

社倉在城內乾隆十九年建

今爲城守借居

縣志

縣庫在大堂右

阮通志

監獄在縣署右

城守武職署在縣治前南街之右卽舊預備倉地

養濟院在西門外

俱同上

開平縣

萬壽宮在城中稍西周圍官牆入宮門爲外朝房東西各二

入二重爲內朝房丹墀廣二丈

縣志

縣署在城門內西南原鄉官譚虬住房虬倡義捐出

阮通志成化十

四年析新興置恩平萬歷初興平多盜副使李材置開平屯立縣公署未建

國朝順治六年知

縣伍士昌創建縣堂十年知縣宋光年續建儀門照牆十三

年知縣王朝鼎續建後堂日久頽廢乾隆十四年知縣張炳

題重建於城內西邊前後二座十九年知縣葉重秀捐建縣

署頭門一座上爲樓併移建六房公廨在頭門內右邊二十

一年又建土地祠于頭門內東側

嘉慶十五年知縣陳聞

炳建置欄柵牌樓并將各房圍入圍牆之內

縣志

按萬歷初恩平多盜副使李材置開平屯 國初舉

人張鉅璘等赴肇力請題准建縣有司案可據考舊

府志順治六年開平縣知縣伍士昌創建縣堂與縣志亦相符合則其爲順治五六年間置縣無疑矣而新興縣志謂在崇正十一年乃就建議時言之至新會縣志恩平縣志俱謂爲順治十年建縣非是

訓導署舊在縣署右康熙九年訓導蕭正傳建堂前拱簷及儀門照壁乾隆四十八年知縣厲繩訓導黃之淳倡捐移建縣署東在學宮之右同上

沙岡司巡檢署原在長沙村內因社賊占踞遷水口村今仍

住長沙

吳志

松栢司巡檢署原在平康松栢山被賊頽圮移遷黃橋頭村今建於赤勘村

典史署在縣左城南原甄寬伯甄言成住房捐出康熙十八

年典史董遵仁于廳左建土地祠一間書辦房一間右建弓
兵房二間乾隆二十三年知縣葉重秀捐買陳敬簡屋三間
爲捕署後舍俱同上

常平倉凡三座一在縣署內左側二間康熙六年知縣高子
翼典史董遵仁捐俸創建一在縣署內右側二間一在縣署
後二間俱康熙二十九年建後日久傾頽五十四年知縣陳
還捐俸修復另捐俸添建倉廩六間於署內右側嘉慶十九
年知縣伊雲崧詳請修葺縣志

社倉在城內乾隆十九年建吳志

縣庫在大堂左阮通志

監獄在縣右前後兩座各三間嘉慶十四年知縣陳聞炳改
監門於頭門內并築高圍牆添設欄柵二十三年知縣宋思

恭重修縣志

城守署在城東順治十二年城守楊賓建堂前拱簷及儀門康熙七年城守余成龍重建儀門道光二年城守胡連重修

頭門照壁同上

分防武職在城中既通志

分防上馬石冷水巡大羅村鬧洞四處卡房嘉慶二十二年總督蔣攸銛奏准添建

養濟院在城外下灣岡乾隆五年建俱同上

鶴山縣

縣署在雍正九年建縣時動項建造既通志正堂三間川堂三

間頭門三間土地祠一間差役房六間庫房東西二間書室

六間內宅十二間內外廚房六間試城臺在署之東落成亭

在署之西

吳志

儒學署在明倫堂右凡十二間

藥運司巡檢署在古勞都坡山舊設凡十八間在皂幕藥運

坑口明洪武四年巡檢顏宗明徙于坡山天啟七年巡檢蔡

中樞重修

阮通志原屬新會縣雍正九年建縣改隸

國朝乾隆十六年巡檢董

宏表重修監生黃昭生員胡如達耆民黃承奇等各捐資助

之世同上

雙橋司巡檢署乾隆二年題准部覆添設駐雙橋靖村地方

動項建造衙署

阮通志

典史署在縣署之右凡二十一間

吳志

常平倉在縣署後

阮通志

和豐倉在縣署西北

東便民倉在藥逕司署側

西便民倉在雙橋司署側

俱同上

社倉二所一在縣署後一在雙橋司署西乾隆十八年知縣

劉繼捐修

吳志

縣庫在大堂右

既通志

監獄在縣署西內外凡十二間頭門一間左右耳房各一間

二門門樓一間東邊外羈一間西邊女監一間內獄主堂

吳志

城守署在城西凡十九間兵房七十四間

養濟院在城南大官田村凡十三間內額設孤貧二十一名

又額外孤貧二十一名

俱同上

德慶州

州署即舊宋康州署後改爲府治於宋嘉熙己酉知府王

端臣元大德九年總管張振武重建明洪武二年通判孫文顯重建九年改府爲州知州介壽重修正堂左設架閣庫右設吏目廳堂之東爲同知宅爲判官宅前爲吏目宅東西兩廊分設六房正道有戒石亭露臺左右二井名曰雙清前有儀門又前有大門上有譙樓大門內左有土地祠有獄房門外左右有申明旌善二亭二十九年吏目徐孟惠建譙樓永樂二年知州孫彬復立後堂正德三年知州王璽建獄房於儀門之右建鎮蠻樓於儀門之左嘉靖五年知州周文煥改吏目廳於東更架閣庫於西續又改架閣庫爲儀仗庫三十二年知州徐鳴鸞重建正堂并後堂庫房寢室撤而新之隆慶五年知州楊士中更儀仗庫於後堂之北萬曆元年於土地祠之右建館一所扁曰友善堂二十八年知州沈有嚴因

署後地盡屬汚池譙樓前壓堂廊欹漏徑草蔽肩七年之間
正官佐貳相繼物故於是詳請撫按司道府鼎新一槩剏建
先大門次儀門次大堂次後堂最後一堂爲貯龍亭儀仗復
起樓於後以鎮之大堂扁曰親民後堂扁曰靖共樓曰來泰
後堂之右爲州正宅左爲判官宅吏目宅在儀門右大堂左
右有東西司幕廳堂側左爲庫房右爲軍器庫房左右兩廊
爲六房儀門之外左爲土地祠迎賓館右爲羈候所大門外
東列旌善亭醫學社學西列申明亭陰陽學急遞舖儀門內
左直街旁起震聲樓樓下爲吏舍歷年旣久兵燹頻仍迄
國朝定鼎僅存大堂一後堂一後衙樓房其餘盡毀康熙四
年知州秦世科修葺頭門儀門公廨十二年署州事譚桓重
修五十七年知州張安鼎重修乾隆二十三年知州黃可泰

重葺

元劉震重建德慶路公署記

廣上遊宋前已西知府王公端臣創建公宇至元歲乙未總

管趙公秀補新艾弊迨今百有餘年歲月既深風雨震凌

原乎不能一日安其居自總管張公振武奉命作牧年來

息時豐民力少舒凡三請於帥府轉聞行省許之自時專

厥役不擾而成郡人陳元崧同知及諸公皆欣然贊助宏

偉絕視昔有加焉是役也以大德九年季冬十八日庚寅

始至十年二月十八日落成邦人姚經歷提調之瀧水簿尉

彭後堂庖舍共四十一間是為記

明沈有嚴來秦樓記畧易曰秦小往大來吉亨象曰天地交

泰后以裁成天地之道輔相天地之宜以左右民德慶後樓

乃余所自建而漢陽蕭公以廣丙觀察往謁制府毓舟登樓

四顧而遙以秦名樓余豈敢自附于茲成輔相之義亦以

否極泰來理固相乘也夫百粵三代以前棄之荒服自秦取

有其地河柱林南海象郡於時德慶為南海屬秦末南海尉

趙佗竊據漢武帝命伏波將軍路博德樓船將軍楊僕討平

之分其地置蒼梧合浦二郡始置端溪屬蒼梧晉穆帝以

之信地廣析置蒼梧合浦二郡始置端溪屬蒼梧晉穆帝以

漢更不其論元季兵亂總管陳文仲州人李質次第守德慶

封川二郡國朝洪武二年仲死李質送以其地歸附改封川

為縣而隸德慶國朝以來山川風氣人才物產漸時中州文

獻之盛而前代莫宜。卿起自開建，衰然爲天下大魁。以今視之，亦一名州也。余判福州，天子不以余爲不肖，擢守是州。旦夕命下，遂自閩之廣甯，到任。父老來言：州事殆以百數，咸謂蒞茲土者，自萬應癸巳以迄於今，七年間相繼捐館舍而諸生求言，科第寥寥。丙子後，竟無一人上鄉書。豈時之運數使然，抑有大弱於形家所忌也哉？成輔相是在司治者予聞言，蹙然而起，卽以是日行城履陰，徘徊瞻盼，見其前山高峙，後地低洼，來水侵層，大江東去矣。乃復州堂，受壓於鼓樓學宮，徙居於卑塾。一切堂宇，敬陋欲頽，奈何不肩薛盡之任，而與士民更始。於是日進父老諸生，問策不愛錢，金常作鳩工聚材，會申文報，可創造。且有日隨視，父老中有稽經紀有法，而民之以董其役，又擇一人以司其財，出入有稽，經紀有法，而民之趨事赴工者，又咸濟濟。用命蠶斥，則諸生量力助功。人眾心齊，又復舊當道之礙，贖奏功，可指日待也。郡則若門堂若兩廡，若官衙若吏舍，若庫藏，固學則先師殿，啟聖祠，明倫堂，尊經閣，儀門，楹屋，門，鄉賢名宦祠，學正訓導宅，咸舉而新焉。聖而飾焉，而闕焉，築焉，序焉，備矣。慮水之東去也，則于水口，白沙山，建三元塔，以控之。塔成，用之下，闕矣。長沙洲，挽水逆，流環城，五里若春，夏水漲，不視其流，冬間乃見觀者，驚異州地前飾，後飾，則於郡後特起一樓，以鎮壓之。意者否自此其可頌矣。於今而始復，斯固觀察命名意與。口口口口重修州署，記畧堪輿家之說，古未有也。何近世之多奇驗也。自近世之多奇驗，而神其說者，無論幽壤，薦及陽宅，毋論官宇，薦及解署。若謂或否休咎，不啻呼谷而嚮，答者嗟嗟，其亦未必然。

與豈人不天因東之德慶州古康州地也先是宦于其土者
不能無感焉與他邦埒自萬曆癸巳至于今七年間相繼以捐
升沈歿壽與他邦埒自萬曆癸巳至于今七年間相繼以捐
官舍報者不下六七人異哉聽乎歲丁酉宛陵沈子爲福
州別駕報最中丞金公大器之以福寧州請會德慶之命先
下沈子遂來守德慶甫至聞而駭之進父老問故翁慶額對
曰州治形勝實爲之人何故焉夫案山視州署高幾百尋州
頭門視州堂又高幾尋不以相壓乎面有鼓樓勢豔矗起前
則通案後則逼州非體也北有池則地脈傷東北有門已塞
而復通則地氣洩凡此皆堪輿家所忌大不便沈子聞言謂
諸父老不便易敢爲茲七尺謀也者卽送舊迎新糾紛駁釋
若瘡痍赤子何憊復因陋就簡憚茲改作官若民其安能堪
之於是備內藏得積穀羨銀可若干兩則治文牒量以其半
請諸上官皆報曰可比受功或又謂左右無絲毫無羽翼也
無後堂是使腰臂弱也一勞永佚惟此時爲然而沈子顧獨
計此一也兼舉則費不足再請則勢不可吾獨奈何沈子慍獨
夕俸稟不以告成事乎乃又積糧稅分合之餘若金矢織毫
之所入者一切斥之盡以充工費鳩集相度民折折趨事傷
地脈者填洩地氣者塞頭門及儀門宜振者更後堂宜創建
者河鼓樓宜毀者撤書吏房宜葺左右幕宜增置者新所最
匠心在建置後樓一座凡三層爲間者七高三丈濶倍之深
減高三之一屹然鉅觀矣既竣工會余有肇慶之役沈子請
記勒貞珉
周示來者

宋梅堯臣送馬廷評知康州詩有去晉康邵風帆幾千里詩
家上洞庭落葉過湘水漉吏迎使君壺漿出蠻壘問俗言未
通魏風想先喜會非異方趣煩與
華人疑期子寄梅花無由問行李

學正署在州前街距治東二十步係崇正時學正吳思友買
置歷任屢有興廢俱不可考至國朝乾隆十六年學正鄧

與璋重修

吳志

訓導署在城隍廟之右久廢今借住學宮

阮通志

吏目署在州署左明知州沈有巖重建

同上

悅城鄉司巡檢署在悅城沙村明洪武四年遷於靈陵水口

去州一百里建署於孝通廟右距五十步成化十六年知州

管滄重修嘉靖三十一年巡道林應奎以屢被猺患築城高

一丈五尺五寸厚八尺周二百三十三丈門三南二北一俱

有樓高要新村驛並列焉今紀國朝康熙十二年巡檢王

世美置地構材請建官署於舊址沙村之上播植埠頭門儀

門大堂川堂廊房俱備又另創宅於後泰興園內

吳志

廣備倉舊在城內西偏明永樂元年知州孫彬遷城北高埠

國朝康熙四年知州秦世科卽州治外義倉舊址重建

阮通志

舊東西倉在大堂側又頭門東西倉又大新倉小新倉康熙

五十七年知州張安鼎建

監穀倉在州署西乾隆七年知州馮國鏗建

俱同上

戊倉辰倉俱在州署西乾隆十二年知州何世珖建

州志

社倉在悅城鄉巡檢司署前乾隆十九年署州事李麟洲捐

俵建

同上

國朝李麟洲社倉記積貯之法當平而外莫善於社倉自北齊例義倉以來隋長孫平唐戴胄及宋朱子明王廷相所以

論社倉者備矣。國朝經制周詳，固已有備無患而德慶一州舊有捐輸社穀，口口餘石，遇水旱不齊之歲，有司報明上游發給賑貸收時，每石不加耗穀三升，若秋成稍歉，併免如耗。此又對酌于古社倉之法，而更為曲盡者也。第從前有穀無倉，分貯社正社副之家，出納之間虛實難稽，且家有與廢亦非可久之法。前州牧鍾隆王公曾稟議建社倉，緣工費無出，且不得其地，未幾輟行矣。西秋余來攝是州，竊念社穀祖于高賢，法良意美，不可不為。經久計隨於循歷各鄉之時，相視基址，今年夏至，悅城鄉於巡司署前得隙地數楹，頗爽塏。遂出月俸，庀徒購材，建社倉一座，屬悅城巡司。君欲董其事，經始于秋七月，匝月而工竣，倉可貯穀六百餘石，固以饑顛藉以木瓦，以期牢固，而防朽蠹焉。州隸四鄉，悅城既建，而三廂鄉社穀向附貯州倉，可無另設。惟金林晉康尚須次第建立，頗有志以爲舉，暨計而量地鳩工，務不厲民，未可預期。茂月倘充遂子之初願，得以相繼，并與是亦切要之圖也。至于嗣而首之以垂久遠，則固不能無望於後之蒞茲土者。是

州庫在大堂右阮通志

監獄在州署大門內左吳志

協標有營守備署在州城東二百步雍正九年守備鄧士傑

建置 廟署 二十一

捐資修補乾隆十三年守備羅世鴻詳准動支營中各官留
半養廉銀一百四十餘兩修葺大堂儀門頭門照牆十七年
守備謝光宗捐貲補葺二堂前亭吳志原本衛署明嘉靖年建
後衛裁改爲營署阮通志

按協標右營守備原駐肇慶府城康熙五十年移於

德慶

阮通志

城守署在小南門內橫街明初原無城守守城者屯兵而官
卽守禦所千百戶也後景泰間始設有守備駐防乃以今所
署地爲守備行司至萬厯五年割瀧水縣爲羅定州東安西
寧二縣以守備移駐羅定州遂廢守備行司 國朝設城守
專官時因荒殘未有剏置借駐於民房知州饒崇秩捐貲一
百八十兩買得肇協副將馬應龍原修沒官李昌運房屋一

所以爲今署在州治東一百五十步

州志

養濟院在西廂孝通坊舊以遞運所改建正德間知州楊純以所地易民地爲之萬厯間知州陳榮祖改建於香山門外

久圯

國朝雍正十三年知州祖德宏改建於城東

吳志

育嬰堂在州治北儒林坊乾隆四十三年知州張文濤捐建

四十九年圯於水

既通志

在金花宮內

州志

封川縣

萬壽宮在治東道光四年署知縣楊耀祖建

採訪冊

縣署卽隋封州故址元至正間燬於寇至元丁丑達魯花赤月魯帖木兒重建明洪武九年知縣安璵相繼重修二十八

年典史何志修正堂四楹東爲幕廳後爲庫堂後爲官衙儀

門旁置吏舍環以周垣東爲土地祠西爲存留倉前爲大門

志洪熙宣德間縣丞何璿署縣事重修據陳顯成化宏治正

德間知縣萬顯李煦潘海嘉靖三年唐時兩四十六年方尙

祖相繼修葺阮通國朝康熙五年知縣彭天壽重建正堂

堂左寅賓軒右豐贍庫儀門外左土地祠右監倉房周垣高

丈許聚棘其上頭門譙樓一座吳志乾隆三十七年知縣許如

龍重修嘉慶二十一年知縣錢豫豐重修四堂縣志

宋趙汝翼同封郡守題名記州廳壁記書太守姓名與夫更

代歲月其來尚矣政有善否事有因革將於是乎考焉舊記

序引失城隍字畫褊淺不足以貽悠久子以紹定改元上冬

祇都事按圖志刻讓劉隱父子在唐繼為州刺史今記自國

初詳符問始召石工于古端

大書深刻而置諸廳事之東

元李晦臨封太守題名記臨封舊為郡郡有太守題名碑在

今觀事之東偏宋祥符中所樹石也國朝以其地分列為州

雖視郡為少下而署上官曰達魯花赤曰知州慎選其人

陟職否則視郡為倍嚴題名碑其可闕乎一日封士旅謁於

子請曰聖天子撫邊鄙遠特命達魯花赤脫脫穆中順公來

守是邦于茲六年律已惟廉聲蒞政布公道謹以奉上合覽

以達下情寇攘警急則攻守有具水旱饑饉則讓與有方不
所以民爲可欺而尙苛刻不以事爲可緩而避劇繁凡利害之
所以苦樂我民者固不與除耄倪相安莫若今日將貫石題
名劍刻以傳永久願斷一言以記余惟秦置郡縣立守令更
漢唐名有殊而職無異蓋不惟其官惟其人也龔黃之名
天下後世莫不稱頌固不待潁川渤海之題而始著潁川勃
海之守令又豈無顯名於龔黃之後而千載寥寥無足聞
者乎封川雖遐僻而俗號難治前乎是邦者殆匪一二何題
名之不於今始建則知公之善政必有以得民心可無負於
聖天子慎選守命之美意矣後之來者庶乎有所觀感與
明方尙祖封川縣題名記封古爲成州治山岷土瘠俗樸民
稀竊經用武地也高皇帝神聖混一區宇省而縣之長民牧
者宜以撫集生息爲政耳歷年幾三百閱令五十餘人總未
列其名貫孰是爲不競不綈爲繭絲保障奚繇謀取而尙友
也尙祖受簡命蒞茲土籍書多暇藉餘晷繕造牒進故老詢
昔賢緣知其也休息撫字某也豈弟樂只有遺德焉某也羅
記其身秦越其民有遺憾焉爰且仰而追躡俛而鑒觀澹泊
一意荏苒六春亦不知其與誰德與誰怨詎非受益先哉
謹序圖初以來諸公再拜題石勒垂不朽噫斯徒侈樹碑里
名姓哉荆襄與日君子假爲觸目之警他山之攻矣天啟元
年辛酉春吉陳顯重建封川縣治記自秦罷侯置守而郡
縣之制立歷世相仍敷宣政化益無非所以爲民也夫民爲
邦本既重矣則臨民之所爲得而不重哉臨封川唐復爲郡後改
江之口漢平南越置蒼梧廣信縣陳改封川唐復爲郡後改
奎思子云 卷之 建置 解署 三二

爲縣其公習因前代故物迄于今歲月既深風雨震凌梅俯
長歐邑喟然嘆曰是施政令之所何煩散若此乃謀諸同寅
邑丞苗田何公瓚判邑三山林公佛蔣賓仙溪傅公光遠各
相已作維新是圖未幾夏公以秩滿朝京師判幕賓咸窘公
務未遑土木之役洪熙乙巳獨邑丞何公視篆慨然欲成厥
志爰集吏民而謂之曰公署乃百里觀瞻之地盛衰與廢各
有其時今欲起而新之若何眾咸曰諾惟公命於是鳩工致
村運石采煑飭耆民梁觀相溫豫豪等分掌其事公親董之
故工剗堅緻模規整肅縣堂森宇儀門司房則因舊而繕治
前序後堂庶開櫺櫺則崇址而增新重簷虛明飛甍峻次黝
聖葺漆奕然一新錦石增光於其東靈州改觀於其西蟠龍
源秀於其南魁嶽屹立於其北形勝益隆金湯益壯邑治之
盛宏規偉範視昔有加焉是後也以是年十月朔日丙寅經
始至明年十月七日壬寅落成者民梁希仁梁明彝等僉謂
公用心若此不有記述何以昭示後人屬余爲記余以膚學
僑員封庠言易足重然目擊盛事義不容嘿夫興廢圓于數
而成立則存乎人公署艱于至元丁丑距今百餘年何公一
旦鼎而新之豈非當興盛之數而任成立之寄乎猶且名其
視事之堂曰率正帥厥志大矣禹曰德爲善政政在養民仲
尼曰政者正也子帥以正孰敢不正今公以是名堂則上以
承朝廷之正下以導斯民之正中以存吾心之正觀感興起
以無忝乎名堂之義其意豈不愈大而愈
遠哉捐資叙署特毫髮事耳豈宣德元年

教諭署在明倫堂後廳後各四楹左右各廂房庖湏前大門

吳志

訓導署在啟聖祠後制與教諭署同

文德司巡檢署在文德鄉鑼鼓岡下前後廳各三間廂房六間儀門一座今壞無存巡檢自營數椽或僦民舍居焉俱同上

典史署在縣堂左康熙五年典史陸忠重修

縣志

常平倉在縣署左共七座

吳志

社倉四一在文德鄉司署旁一在修泰鄉平岡墟一在德寧

鄉羅董墟一在縣署側傍

同上

縣庫在大堂右

縣志

監獄在縣署右傍分上下兩座俱分內外男女

吳志

城守署在縣前左偏

縣志

分防武職署在城中

阮通志

麟山驛在縣西二十里清簡坊

縣志

養濟院在孫岡雍正十二年知縣張元方捐建嘉慶七年陳

國柱捐修

阮通志

開建縣

縣署舊在開江鄉明洪武三年主簿郝暹改建城內西南隅八年知縣龔行重修成化二十二年知縣廖賓增建吏舍嘉靖以後知縣陳廷舉胡希賓葉之盛相繼增修正堂三間幕廳三間在堂左客廳廳三間在堂右耳房庫在幕廳前堂北爲知縣宅西南爲典史宅兩廂爲六房儀門大門皆三間儀門內左爲存留倉築臺高五尺以防水患知縣呂賓修前爲土地祠儀門外左爲延賓館右爲獄門上爲鼓樓門左爲旌善

申明亭

吳志

明季燬於兵燹

國朝康熙間知縣張冲斗姚從

智邵龍元相繼畧爲修葺乾隆六年復圯于雨二十一年知

縣王楚士詳請無碍充公銀一百四十餘兩復捐養廉銀八

十餘兩典修大堂儀門始易茅以瓦

阮通志

四十八年知縣李

舒乙重修嘉慶二十四年新建需銀按照歷任作六年攤派

道光元年三年知縣余瀚捐修

縣志

按主簿郝暹通志作知縣知縣龔行通志作龔憲知

縣葉之盛在萬曆十年任修畧在胡希寅後通志作

永樂十一年修畧俱誤

教諭

訓導畧俱在學宮內

阮通志

典史署在縣堂西

同上

明萬曆四十四年被水典史葉逢春移

建古令司公署之右西向

縣志

常平倉在縣署後一十一間

吳志

社倉五縣城一間壹都一間貳都一間叁都一間肆都一間

俱乾隆十七年知縣王楚士捐俸建

同上

縣庫在大堂左

阮通志

監獄在儀門右

縣志

協標左營守備署在城內原明把總衙署改

阮通志

按左營守備原駐肇慶城康熙五十四年移駐開建

養濟院在北門外

同上

肇慶府志卷五終

高要周汝珉校字